





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2212/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2212/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2212/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2212/A

17131 LC. (15)


F. IX


16/p


2212 A

3482

Sanger
12. ob.







FE

A

D

E

IOANNIS
FERNELII
AMBIANI

De luis Venereæ curatione
perfectissima
LIBER,


Numquam antehac editus.



ANTVERPIÆ,
Ex officina Christophori Plantini,
Architypographi Regij.


M. D. LXXIX.

17131



Sawyer
12.06

CI
1A



men
nove
re
di
er
en
ad
ce
pot

3

VICTOR
GISELINVS
IANO DOVZÆ

à Noortvvijsck S. D.



ES CIO profectò,
Dovza, quis Deus pro-
ximo superiore Septem-
bri me vobis, aut potius
Batauiam vestram mihi
inuiderit. ad quam ta-
men totis decem annis non visam, non mi-
nore sanè desiderio, pæne ausim dicere, maio-
re tum excurrebam; quàm olim è medio stu-
diorum cursu ad patriam ac parètes solitus
eram. neque, ut verù fatear, abs re. Cùm
enim initio horum tumultuum, consilio de
adeunda Italia mutato, calamitatem Belgi-
cæ nostræ imminentem è latebris quibusdā
potius spectare mallet, quàm è longinquo
A 2 audi-

audire : illa me honestissima conditione euo-
catum adeò benignè & liberaliter accepit,
ac tanta amicorum accessione, præcipuè ve-
rò doctorem hominum usu & consuetudi-
ne auxit & ornauit ; vix ut ulla ætatis
pars mihi effluerit iucundius . Quò magis
ex animo doleo, me nuper, vt primum in ea
pedem institui, donec vltimum inde efferre,
molesta & assidua febre correptum fuisse,
loco & tempore nimis quàm incommodo.
Neq. enim ex desideratis. conspectu mu-
tuo voluptatem, neq. ex studiorum com-
municatione fructum aliquem capere aut
afferre integrum fuit. fiebant quidem à te
omnibusq. amicis sedulò & prolixè omnia,
quo eum mihi dolorem leniretis. frustra ta-
men. Δυσάρεστον, vt ille ait, οἱ νοσοῦντες. Quid
enim de Musis vestris dicam, illo ipso mari,
vnde Venerem natam ferunt, venustiori-
bus ? quid de poëmatis aliisq. scriptis tuis,
doctis Iupiter & laboriosis ? quid de im-
mortalibus Lipsij nostri Saturnalibus ? quo-
rum

P R A E F A T I O.

rum sanè desiderium me ab extremis Mo-
 rinis istuc pellicere potuit, eorum ne lectionē
 potui à me impetrare. Itaq; quoad unā fui-
 mus, vos quidē miseros, me verò vobis ha-
 bui ingratissimū: idq. duplici nomine: vno,
 quòd effusa liberalitate ac suauissimis litte-
 ris vestris frui ac delectari minimè sum vi-
 sus: altero, quòd ex mea parte vobiscū paria
 facere, & concitatam de studiis meis exspe-
 ctationem familiari colloquio augere vobis
 & firmare non licuerit. Nō enim sum igna-
 rus, quid olim publicè sim pollicitus; quam-
 quē arctè toties datae ad vos litteræ fidem
 meā constringant de evulgandis meis in hoc
 pervulgato hodie scriptionis genere ὑπομνη-
 μασι. Quæ vt me primo quoq. tempore ela-
 boraturum esse certò tibi persuadeas; vtq.
 hac etiam parte magnifico illi & magni-
 fico Veteris Pontificij iuris pollicitatori sim
 dissimilis: accipe, vir clarissime, nostram in
 hoc opusculo opellam, testem & pignus fidei
 & diligentiae meae: & Medicum totius
 A 3 Gallie

Galliae principē tam diu pro Giselino obsi-
dem tibi habe; dum alia, vtriusq. nomine
& amore haud indigna, à me accipias. Va-
le. Brugis, Anno M. D. LXXIX.

IDEM

IO. no obfi- nomi u. Va- X. DEM in 20 19 18 17 16 15 14 13 12 11 10 9 8 7 6 5 4 3 2 1 IDEM LE-

7 CTORI.

DE IOANNE Fernelio, ita existimo, neminē omnino hodie tanti viri laudes satis pro merito verbis exsequi posse: nedum amicus aliquis id cogitet aut nepos: quorum laudibus ferē appōita est suspicio. Vñus hoc pręstare potuit Fernelius. & pręstitisse quidem, testis est sanē locuples tum inuidia ipsa, tum quę adhuc est posteritas. Nam cū plurima aliorum scripta, in his, etiam eorum qui ex huius viri nomine suum illustrare conati sunt, auctōribus suis in dies pręmorianantur, & ne primam quidem etatem ferant: Fernelij, quę exstant, opera, toties iam pręlis subiecta, tam auidē ab omnibus rapi videmus, tantoq. plausu ac fructu etiam apud exteros publicē doceri; vt qui passim medicinam faciunt,

A 4 iis

iis carere nolle, & qui in huius artis elementis versantur, eadem sine iis discere non posse videantur. Atq. hæc quidem ratio est, cur doctissimi viri Gulielmi Plantij fidem una omnes voce toties appellauerimus; ut Observationes eorum, quæ Fernelius curâdis morbis nova deprehenderat, item septem alios libros De particularibus morbis curandis, quos abhinc XI. annis sese apparare scripsit, fideliter ex legatoris voluntate nobis repræsentaret. Quæ, quoniam illo iam mortuo, (quantum ex re ipsa præsagio) optaret tantum, non etiam sperare possumus: alia saltem auctoris scripta, quæ partim aduersaria esse, partim rescripta & responsa de variis morbis ad ducenta ferè relicta Plantius scribit, utinam aliquando videamus. Sint rudia & impolita. quid tum? ea ipsa rudia & ab auctore impolita multò malo, quàm à quouis disertiss. homine interpolata. quasi verò nos non leonē ex ungibus. neq. sanè nobis de eloquentia viri

con-

constare volumus. constat verò multò manifestius, quàm quisquā declamator quamvis magnificis verbis possit declarare. sed rem quærimus, & artis experimenta, id est, quæ ille propria sibi & peculiaria ad grauiiores morbos habuit remedia, multo longoq. medendi usu & frequenti meditatione probata, ea discere & scire auemus. Quorum omnium spem minimè vanam mihi visus sum promittere; cùm ante annos VII. è Sequanis Luteciam reuerso, & in Christophori Plantini, amici & hospitis humanissimi ædibus diuersanti videre contigit exemplar manuscriptum libelli Fernelij De curandis febribus, & in eo præclara illa prolegomena non tam de febrium, quàm de omnium particularium morborum curatione. Non enim dubitabam, quin tam accuratam præfationem, quatuor capitibus distinctam secuturū esset opus illud, cui ea viâ muniebat. Verùm cùm nunc aliter evenisse videam; de meis illis votis viderit cum patre

A s tre

tre optimo bonus Aesculapius. Is libellus, vt
ad rem præsentem tandem veniam, popu-
lari cuidam meo poëtae & medico nemini
secundo, traditus tum erat, ea gratia, vt ab
eodem librarij mendis perpurgatus typis
committeretur. quam ille operam à meis
studiis non alienam mecum partitus est, vt
& laboris tedium esset leuius, & certior
emendatio. eius sanè opellæ indicia nō pau-
ca planè mihi videor agnoscere in ea, quæ al-
tero superiore anno exiuit, VVechehi editio-
ne. testis est nominatim varia lectio capite
XII. de febrium symptomatis: quæ vt in
toto autographo erat vnica, & inter nos
controuersa, ita hodie relicta est. eam obi-
ter nunc moneo, ex auctoris mente, indu-
cendam esse: vt liquet ex cap. illo, quod huic
respondet, extremo libri IV. Pathologiæ:
Sudor, inquit, ferè primùm incipit à capite,
ac deinde è reliquis etiam partibus sensim
emanat. & ex Galeni capite XI. lib. III.
περὶ κρίσεων, Unde ista videntur expressa:
ιδῶν-

ἰδρωτάς μόνον προσδέχεσθαι, καὶ μᾶλλον ἐπει-
 δάν, &c. θερμότερα τὰ ἐκτὸς καὶ ἐρυθρότερα, καὶ
 τις αἰτμὸς ἀνίστησι θερμὸς, οἷος οὐ πρόαθεν. *quo loco*
doctis. H. Mercurialis τὸν αἰτμὸν *roridam*
humiditatem interpretatur. *Alarum men-*
tio quid ad rem? quæ ferè madent, ceruice
& toto capite etiam squalente. Eidem illi
meo amico traditus vnà fuit Fernelij liber
De lue Venerea, quem itidem ab ipso aucto-
re perfectum absolutumq. testatur Plan-
tius. Verùm quòd ab homine indocto adeò
 vitiose & inconditè exaratus esset, vt plu-
 rimis locis sensus nullus elici posset, nisi quē
 ipsi nos temere auctori affinxissemus; satis
 habui eundem, desperata omni recognitio-
 ne, quantum potui emendatè in proprium
 vsum describere, & priuatim cum amicis
 popularibus communicare. Et nisi vehe-
 menter animi fallor, hæc vera est caussa, cur
 opusculum iam bis disertè nobis promissum,
 & tantum non typographo in manus da-
 tum, hæctenus nullum vsspiam compareat.

Po-

Postea Verò, quàm ex peregrinatione
XVIII. annorum tandem in patriam re-
uersus sum, & studiorum meorum fructus
in commune cœpi conferre; forte fortuna
alterum huius opusculi exemplar, longè ca-
stigatius, nactus sum à Francisco Rapar-
do Medico de rep. Brugensi optimè merito.
ex cuius collatione non solum facile mihi fuit
omnia insulsi illius scribæ menda corrigere,
verùm etiam, quod in primis optabam, la-
cunam vnā atq. alteram memorabilem
explere: quamuis tamen in eodem non pau-
ca desiderabantur, vltimaq. auctoris ma-
nus ipsi defuerit. Hæc Belgis meis, editio-
nem meam improbè flagitantibus, indicata
volui. alij si meliora poterunt afferre, gratis-
sima habebimus. si ne paria quidem, nostris
fruantur.

LVIS

LVIS VENEREÆ¹³

DEFINITIO.

CAPVT PRIMVM.



L V E S Venerea totius substantiæ morbus est occultus, cōtagiosus, tuberculis, maculis, ulceribus, cruciatibus & doloribus sese prodens: *solo concubitu, aut alio impuro contactu contrahendus*. Atq. vt huius morbi vis & natura, de qua hactenus inter Medicos parum convenit, certius innotescat, paullo altius repetenda est definitionis explicatio. Cūm omnis morbus primum & per se in aliqua parte corporis infideat; partes autem omnes similes sint & dissimiles: necesse profectò fuerit in harū alterutra vel in vtraq. luem Veneream primum & per se inhærescere. At verò in dissimilaribus primum & per se non consistit, neq. enim conformationis neq. magnitudinis neq. numeri *neq. collocationis siue situs* morbus existit. Restat igitur vt partium similiarium primum & per se vitium sit, & affectus præter naturam: neq. enim, si cū omni
ni

ni genere morborum concurrat & complicatur, aut etiam varios partium dissimilariū affectus inuehit; idcirco sanè morbus vnus non fuerit, aut etiam partium dissimilariū primum & per se affectus censebitur. Ita enim & febris partes omnes obsidens, dissimilariū partium primum & per se morbus diceretur, nec vnus esset affectus, sed plures: quod veterum auctoritas redarguit. Verum enimuerò cū affectuum partis similis tria sint summa omnino genera, intemperies, materiæ immoderatio, & totius substantiæ corruptela: ad quod Lues hæc sit referenda, videndum. Primum ad intemperiem non pertinere, apertè posthac demonstrabimus, cū de eius causa dicemus. multo minùs ad materiæ ametriam referri potest: neq. enim mollities aut durties est, neq. laxitas aut adstrictio, neq. tenuitas aut crassities, neq. demum raritas aut densitas, qui materiæ immoderatæ omnes sunt morbi. Ad formam ergo necessariò referenda est. quæ quoniam præcipua est, & pæne tota rei cuiusq. substantia; eius affectus totius substantiæ morbi dicentur. Atq. ideo lues Venerea meritò totius substantiæ affectus dicetur. Iam verò cū morborum totius sub-

substantiæ alij intemperie manifestam sequantur, cuiusmodi sunt febres omnes putres, aliarumq. partium affectus ex putredine ortum ducentes, alij alias causas occultiores: ad quod genus Lues pertineat, videndum. Qui intemperiei succedit morbus, manifestus est, isq. vel putredo quædam existit, vel putredinis quædam soboles, quod Lue non conuenit. Superest igitur, ut à secretionem causa orta putetur. Atq. hinc occulti morbi dicuntur, qui non ex dissoluto temperamento, neq. ex simplici putredine, sed ex abditiore quadam causa processere, quæ corporis totam substantiam primum & per se afficit. Hoc causarum genere continentur omnia pestifera deleteria & venena, quorum ferocia in natium nostrum calorem, in ipsumq. vitæ principium, cui tota essentia contraria est & infensa, maximè ac primum sæuit ac debacchatur. Non enim eiusmodi causæ sola putredine, ut iunioribus plerisque visum est, sed tota specie & vi deleteria nos vel offendunt vel enecant. Hæc autem quæ toto genere & prorsus venenata sunt, tribus omnino modis nos adtingunt: aut enim cum aëre spirando ducuntur, ut pestilentie semina: aut extrinsecus nos adtingunt, ut rabidi canis

canis & venenatarum bestiarum virus: aut
intrò sumuntur, cibi, potus, aut medicamēti
specie. Venenum, quod non nisi intrò sum-
ptum vires habet, omnium infirmissimum
existit: non in spiritu, non in tenui humore,
sed in crassiore quadam substantia inhære-
scens. huius generis sunt fungi, arrhenicum,
auripigmentum, & alia pænè innumera, quę
non odore, nō adhæsu, sed haustu solo ene-
cant. hæc Chirurgi in malignorum vlcerū
curatione citra vllam partium corporis ia-
cturam, magnoq. vsu extrinsecus adhibere
solēt. ex quo intelligitur nō esse illa cōtactu
deleteria. At verò si quid istorum sumatur;
è crassiore materia venenum vi nostri calo-
ris suscitatum in principes demū partes sese
inferit, profertq. sui furoris incōmoda. Ve-
nenum, quod halitu nos ferit, omnium præ-
sentissimum est & efficacissimum, nec hu-
more, nec crassiore materia tanquam vehi-
culo indigens, vt in nos agat, ac commigret:
sed tenuissimum cū sit, spiritu haustū, ce-
lerrimè per pulmones in cor viscus nobilif-
simum & in arterias, in omne deniq. corpus
irrepat: primumq. spiritus, deinde humores,
postremò ipsarum partium substantiam la-
befactat. Quod autem venenum contactu
ferit;

ferit, minùs efficax est: neq. in solo spiritu, vel in aëre, sed in humore quodam prouehente vires habet. Hoc verò cum in partem cute nudatam infederit; contactu quidem eā primùm, dein verò proximas, reliquumq. corpus omne consecutione quadam inquinabit. Non enim rabidi canis halitus solum cōtagione quempiam polluit. at in partem demorsu apertam vel humor vel saliuā eructatur: cum quo virus illinc sensim in omne corpus euadit. In integram verò cutim si inciderit, nihil efficit. epidermis enim densa cum sit atq. valida, horum hebetiorum & crassiorum venenorum substantiam altius penetrare non finit, nisi vel findatur vel dilaceretur. Sic enim bestiarum, quæ virus eiaculantur, venenum prouehente ducitur humore. sic sagittarum venenatarum, sic elephantiasis, aut luis Venereæ virus, non inspiratu, sed humore in quamuis partem cute nudam defixo sensim prorepit in omne corpus. Ex iis tamen quæ solo contactu efficiunt, pauca quædam numerantur, quæ integram etiamnum cutim, quamuis validam & densam, peruadunt & penetrant, introq. subeunt: vt quod à basilisco aut torpedine pisce infligitur virtus. Atq. hæ tres occultæ atq.

B

vene-

venenatæ causſæ tres occultorum morborū
differentias conſtituunt: quorum alij ab aë-
re; alij contactu; alij à venenata, quæ intus ſit,
materia procedunt contrahunturq̃. Hi qui-
dem omnes venenati ſunt: at non ſimiliter,
neq. iisdem ex cauſſis. Nam qui ex intus
concluſa materia proceſſerunt, quia foras
non emigrant, neq. in vicinas partes prore-
pūt, ſimpliciter Venenati nuncupantur. qui
verò ab aëre, aut contactu ſiunt, Contagioſi:
quòd vel externæ, eiusq̃. venenatæ cauſſæ
occurſu geniti ſint, vel contagione mutuaq̃.
ſocietate vicinas partes contaminent. At hi
qui ſolo contactu contrahuntur, vt hydro-
phobia, Lues Venerea, & qui beſtiarum ve-
nenatarum ictu ſiunt, ſimpliciter contagioſi
dicuntur. alij qui ab aëre procedunt, peſti-
lentes. Vt idcirco breuiſſimè dici poſſit, Oc-
cultorum morborum alios venenatos eſſe, a-
lios contagioſos, alios peſtilentes. Sed vene-
natis & peſtilentib. relictis, de contagioſis
pauca quædam dicemus. Contagioſi tota
ſubſtantia morbi alij manifeſti ſunt, alij oc-
culti. Manifeſti ſunt phthiſis, pruritus, ſca-
bies, lepra, achores, faui & reliqui huius
generis: qui licet contactu & fiūt & afficiūt;
nihil tamen occultū malignumq̃. reſipiūt:
ſed

sed à manifesta putredine, & qualitatu primarum intemperie, oriuntur. Contagiosi occulti dicuntur, qui externi cuiuspiam veneni occurſu & contagione primum contracti ſunt, vt ſtupor à torpedine piſce, vel ab opio. Hydrophobia & qui ſcorpionu beſtiarumq. venenatarum morſu vel telorum veneno infectorum ictu ſunt. In horum ceſſu iure numerada venit Lues Venerea. cum enim neminem umqua hac Lue labefactauerit, inquinaveritve aeris inſpiratio, nec multos communiter illa inuadat: non poteſt inter Epidemicos morbos cenſeri. cuq. nec alimentorum impuritate nec vitio ſit orta, non numerabitur in venenatis. Reſtat igitur vt habeatur inter contagioſos, quoru peculiaris eſt ſua cuiuſq. cauſſa. Et licet fortasſis ab externis hæc cauſſis primum originẽ non habuerit: quoniã tamen hæc ſemel genita non niſi contagione poſtea afficit, contagioſorum more, contagioſus quoq. morbus dicendus eſt. alioqui nec elephãtia, nec qui Luis Venereę & Elephãtię permixtione fieri poſſunt, inter morbos cõtagioſos recenſerentur. quod tamẽ veteru auctoritas & vſus coarguit. Itaq. Lues Venerea totius ſubſtantiæ affectus eſt occultus & contagioſus.

Luis Venerea origo.

CAPVT II.

AN NVS fuit à Christo nato post M. & cccc. nonagesimus tertius (aliis secundus) cum irrepsit lues Venerea apud Neapolim primum in Gallorū exercitum. Vnde à Gallis Neapolitanus, à Neapolitanis Gallicus morbus est appellatus. Hūc irā Dei Opt. Maximi interpretati sunt Theologi, cum hanc malorum à nobis morum pœnam exigere, hoc supplicium de scortatoribus sumi publice docuerunt. Hinc statim mira tam horrendum affectum superstitio excepit, indoctis quibusque hominib. & mulierculis ad Diuos nescio quos vota sua referentibus, opemq. ab iis poscentibus. Non defuerunt etiam Astrologi & Meteorologici, qui morborum popularium causas altius repetentes, insolentem quandam siderum constitutionem ac binas solis eclypses, aëri inquinamenta quædam respergētes accusarunt, Epidemicumq. hunc affectum dixerunt: quorū etiam opinionem plures Medici postea sunt secuti. At ego vel ab insulis quibusdā Americis, in quibus populariter affectum hunc grassari audio, per Hispanos in Gallorū exercitum

ercitum vitium allatum crediderim: aut illic certè scorti cuiuspiam magna impuritate contractum: cuius dein contagio in omnem Europam, Asiam, Africam, & extremam Indiã defluerit, omnemq. orbis partem, quæ nostratum commerciis vtitur, impleuerit. Etenim si Epidemicorū morborū conditione, à certo astrorum influxu deriuata est hæc Lues; quomodo paucis diebus plures nō afflixit, tandemq. tempore desiit? Ita enim pestis illa Anglica hoc seculo nata sæpius iam & inuasit, & extincta est penitus. ita morbi omnes Epidemici ab Hippocrate celebrati: ita exāthemata & ecphymata ortus & interitus sui cursum semper absoluunt. At aut ab vno aut admodum paucis apud Neapolim originem habuit lues Veneræ: cuius contagio hætenus serpsit in reliquos, nec tempore desiit. Itaq. accusanda hoc loco multorum credulitas, qui multas se in cœnobiis virgines artē conclusas hac lue labefactatas vidisse scripserunt sine viri consuetudine, & impuro contactu, sola inquinatas aëris inspiratione. Non minùs explodēda est illorum opinio, qui alimētorum impuritate & vitio luem hanc sæpius oriri contendunt. quasi verò numquam an-

teā putridis & vitiosis alimentis vſi ſint homines ſine Lue Venerea: aut hęc in plebeios tantū & infimæ ſortis homines vitiosis plerumq. cibis victitantes, non autem in magnates & reges ipſos ſelectiſſimis cibis vten-tes graſſata ſit. Multi etiam Luem hanc indies mutari, & ita inclinare atq. cōſeneſcere, vt ſit poſthac breui finem habitura, litteris prodiderunt. aiunt enim, cū primum oriretur, tanta fuiſſe ſœditate, vt quæ nunc graſſatur, vix illius generis eſſe putetur. Ulcera erant innumera, in quernæ glādis ſpeciem & magnitudinem aſpera, exporrectaque: ſpurcus ab iis profluens humor, ſœtor verò tantus exhalans, vt cuius nares attigifſet, is infici mox crederetur: color puſtulis ex nigro vireſcens, ipſo aſpectu non minùs ægros quàm dolore cruciabat. Fugiebant idcirco omnes eius aſpectum, nedum contactu abſtinebant, vt morbi præterea nullius. Quæ verò ſecuta eſt, & iam paſſim vagatur, puſtulas quidem habet paucas, vt & ulcera; dolores autem atroces cum tuberculis ſcirrhofis. ea vt ſœditate tolerabilior; ita certè doloribus & cruciatibus immanior euafit. Id verò minimè ſeneſcētis Luis naturæ & conditioni tribuerunt, ſed præpoſteræ multorū
cura-

curationi. Adeò enim est hæc Lues mortalibus formidabilis, vt vel illius minima suspitione confestim ad remedium ex hydrargyro concurratur. quod sanè pustularum ardorem exstinguit, exsiccatq. vlcera: at distillationes, articularũq. dolores adauget. Itaq. hanc, nisi Deus Opt. Max. sua clemẽtia ipse exstinguat, aut effrenem hominum libidinẽ temperet, numquam exstinctum iri, sed fore humano generi comitem, & immortalem crediderim.

*Luis causa efficiens ex nonnullorum
opinionẽ.*

CAPVT III

DIXIMVS de Luis origine & externa occasione. Iam de efficiente causa, cuius ad curationem in primis est necessaria cognitio, accuratiũs differendum. Huius quidem natura & essentia quæ sit, quæ qualitas, quætã iamdiu, quamq. odiosæ concertationes, quot opiniones, quàm maximè à Neotericis agitatæ & summa discordia conuersatæ! at nondũ tamen definita quæstio est. Alius enim hepatis intemperiem valdè siccam & paulo calidiorem per contagium impres-

B 4

fam

ſam arguit. ac eam primùm quidem ſim-
plicem, deinde verò increſcēte humore no-
xio, compositam: qui in carnes ac corporis
habitum à natura propulſus, & continuum
ſoluat, & puſtulas, vlceraq̃. excitet, dolores,
trophos, aliaq̃. incommoda innumerabilia
accerſat. neq̃. mirum videri debere ſi medi-
camentis, quæ ad omnis generis intemperie
comparata ſunt, hætenus nō ceſſerit: quòd
omnis ſicca intemperies partis alicuius no-
bilis maximeq̃. hepatis humidi primogenij
plurimum abſumat atq̃. diſſipet, nec niſi ar-
te ſumma & ſummo remediorum vſu tolli
emendarive poſſit; cū reliquæ omnes in-
temperies facilè corrigantur. Intemperiem
calidam eſſe à natura rei cognoſci, & ab eius
effectibus. ſiquidem puſtulæ & vlcera, quæ
in hoc ſunt morbo, duritiæ habent inſignē:
durities autem fit vel à pituita craſſa, vel à
melancholia. At pituita craſſa facta non cor-
rodit. Eroſiones enim, quæ cum duritie af-
fligunt, ſui cauſſam materiã craſſam & den-
ſam agnoſcunt. Adhæc materia tenuis ery-
ſipelata vel herpes excitat: vlcera autem
Luis profunda ſunt & caua. Deniq̃. luis
Venereæ vlcera iis tolluntur remediis, quæ
veteres Arabes ad vlcera à ſicca & torrida
mate-

materia compararunt. Quocirca à materia calida sicca & densa emergunt. Hæc autem materia nõ potest aliunde peti quàm ab hepate: siquidem Medicum est theorema: Actione aliqua per corpus totum æquabiliter læsa, principium eius naturale necessariò esse malè affectum, neq. enim (quod exempli causa dictum sit) motu & sensu totum corpus priuari potest, illæso cerebro, motus & sensus principio: neq. asphyxia, id est, summa pulsus imbecillitas in toto corpore deprehendi potest, illæso eius principio corde. Sic profectò vitiatò sanguine in omnibus corporis partibus necesse est hepar læsum esse: & cuiusmodi est sanguinis vitium, talem quoq. esse iecoris noxam. At omnes eo morbo affecti, liuidi ferè & subnigri cernuntur, floridumq. tum faciei tum reliqui corporis amittunt colorem. quo fit, vt sanguis in hepate gignatur crassus, densus & mordax, qui postea in superficiem protrusus, eũ colorem inuehit. nã talis est cutis in superficie, quales sunt humores in intimo corpore exsuperantes; nisi ad profundũ frigore aut alia occasione decubuerint, recefferintve. Alij omnes in hoc conueniunt, quatuor humorum exustionem & malignã quandam affe-

B 5

ctionem

ctionem antecedentem causam esse Luis, dum nec dolores, nec pustulas excitat: coniunctam verò & continentem, dum illa iam protulerit: humores autem in hunc modum vitari atq. corrumpi, scilicet vel aëris vitati atq. corrupti inspiratione, vel cibi cacochemi & aquæ corruptæ usu, vel certè alterius inquinati cuiuspiam contagione atq. congressu. Quidam nihil aliud esse scripsit, quàm deprauati sanguinis suppurationem, quæ post in tumores & nodos conficcata induretur, & cuius scaturigo à male-affecto iecinore pullulet. Horum rationes quàm vim habeant, paucis excutiamus, ut veritas magis elucescat.

Intemperiem siccam Luis causam non esse, ex inuadendi serpendiq. modo conspiciendum est. Omnis enim viscerum intemperies, præsertim verò sicca paulatim contrahitur, idq. vel potus pænuria, vel rerum calidarum & siccantium diuturno usu. Est enim siccitas patiens qualitas minimam vim agendi fortita. Atqui Luis causa, quamquàm non semper subito se prodit, sed interdum, ut rabidi canis virus, aliquàdiu in nobis delitescit; repente tamen semper contrahitur eo ipso die vel altero, vel certè breui admodum

dum temporis spatio. qua parte cōtracta est, ea vlcere alióve symptomate certa de se indicia prodit, totumq̃. corpus vel optimè sanum peruertit . At potestne iecur tam citò siccescere , humidumq̃. eius primogenium absumi , & retorridus in eo genitus humor in corporis ambitū propelli? Quænam ista, aut in quo alio morbo tā repentina perspecta est humorum secretio , genitave intemperies? In febre quidem pestilenti , dum inquinati aëris inspiratione repētè cordis spiritus contaminantur, laceffitum cor suæ affectionis indicia carbunculum & bubonem foras eructat. At minimè tamen accensa aut reficcata sunt viscera. cor siquidem maligna quadam & inexplicabili qualitate obsessum sæpe prius exstinguitur, quàm viscerū temperies possit permutari . Adhæc cedo , quæ intemperies vñquam contagiosa visa est? Neq. verò si tubercula dura & vlcera exedētia Luë Venereā statim excipiunt, idcirco sanè horum principium iecur sicca intemperie statim laborat. Ea quippe nō tam à iecoris vitio & noxa, quàm à malignitate causæ, quæ humores in sui naturam deprauat, proficiſcuntur . Itaq. calida & sicca hepatis intemperies Luis Venereæ caussa esse non potest.

potest. Indignum certè fuit tanti philosophi grauitate in re adeò aperta cæcutire. Aliorum ego omniũ opiniones, quæ non nisi simplicem humorum corruptionẽ & exustionem proponunt, nihil moror: cùm vel ipsis Medicinæ tironibus ac tonsoribus notũ sit, omnis generis ex humorũ putredine morbos sine Lue superioribus seculis grassatos fuisse: nec iis remediis, quæ humorum putredinem arcent & emendant, luem Venerream bene vmquam fuisse curatam.

Vera Luis caussa efficiens.

CAPVT IIII.

EFFICIENS Luis Veneræ caussa occulta est, & venenata qualitas atq. pernicio-
sa labes attractu & contagione contracta: quæ
licet leuis admodum & ferè corporis expers
sit, sensusq. nostros effugiat, nõ simplex ta-
men & solitaria existit, sed in humore aut
alio quouis corpore inhærescit; quo vt sub-
iecto quodam & vehiculo vtitur. Quĩ enim
possit corpori nostro vim inferre virtus in-
corporea? Huius pernicipiei vis & efficacia
diutius aliquando in nobis delitescit, tem-
pore tamen copiosis signis & argumentis se
prodit.

prodit . Vt enim rabidi canis aut scorpionis, ita huius venenum ab ea fede , quæ sit primum contagione inquinata, sensim in omne corpus spargitur, contagiosorum morborum naturam & conditionem imitatur. maximè autem Venereo contrahitur concubitu, à quo & nomen inuenit, & eius frequentatione propagata est Lues in hominũ genus, & ex vnius impuritate & inquinamento sensim in vniuersum orbem disseminata, miserabile scortorum flagellum. Itaq. qui Venereo complexu iungitur cum inquinata, à pudendis Luem contrahit: nutrix, à qua infans pollutus lac fugit, à mammis: obstetrix, quæ infectæ parietis opem tulerit, à manu: infans à vitiata nutrice altus nunc ab ore, nunc ab interioribus: condormiēs inquinato sudore diffluenti , à cute & à summis partibus: qui effusiore osculo saliuam exceperit, ab ore . Huius tamen veneni vis , quia est hebetior , non nisi in apertam nudamq. partem sæuit, neq. qui iam inquinatus est, alium halitu solo, sed liquore de se in alterius corporis partem epidermide nudatam reiecto contaminat. à qua malum prorsus initium sumit. Partium, à quib. Lues initium capit, aliæ aliis grauius vitæ discrimen inferunt.

om-

omnium exitiosissima est Lues, quæ ab interioribus & reconditis visceribus, aut à partibus obscenis inchoat: ceteræ leuiore & minùs periculose. Cuicumq. particulæ Lues primùm infederit, illic inhærescens pustulâ excitat, interim & vlcusculum. inde longiùs prorepens radices figit, sensimq. partiũ continuatione interiora subit, & ex prauo initio & quasi fuscitabulo profecta paullatim propagatur & inualefcit; dum non spiritus modò atq. humores, sed & carnem & partes solidas omnes peruagetur, & ad extremum, ni medicamentum adhibueris, furore omne corpus vastet atq. depopuletur. idq. hac ferre ratione. Cùm virus, exempli causâ, concubitu à pudendis madore perfusis initium habet; pustulas in his primùm & vlcuscula euocat contumacia, maliq. moris. Vapor deinde aut spiritus ductu cauo pudendi introrepens (neq. enim credibile est, humoris quidquam eò subire) venæ cauæ sanguinem arteriæq. maioris spiritum labefactat. tunc etiam bubo prorumpit in inguine: hinc vasis spermaticis, renibusq. affectis, gonorrhœa se prodit, qua virus velut eructando turpissimè eiicitur. Cùm execrandum malum iâ iecur & ventriculum inuasit; levis quidam

alui

alui fluor suboffendit: moxq̃. cū iecore sanguis polluitur, cuius cūctæ postea venæ participes fiunt: eoq̃. in artus, in cutim, in musculos disseminato, compressum maleficiū atq̃. tacitum erumpit, prosiliuntq̃. liuidæ rubentesq̃. pustulæ, vlcuscula crustosa & herpes, nonnullis caua vlcera atq̃. maligna, biliosis quidem phagedænica & exedētia, melancholicis cancrōsa, pituitosis leuiora, sed fœdiora, & humore quodam mucoso fœtidoq̃. manātia: sanguineis crebriora carbunculi effigie: omnia quidem labris præduris, tumentibus & inuersis, quæ exesa carne ipsa etiam ossa depascunt, primū tenella, qualia sunt nasi & palati; deinde solidiora, quæ putria cariosaq̃. tempore excidunt. Ab iis cū malum iam cerebrū, summāq̃. corporis arcem obsidet, multa superuacua pro partis cōditione pituitosa colligi necesse est. quæ si interclusa capite contineātur, magnum & acerbum dolorem cōmouent. Sin foras sub cutim capitis promineant, vel in articulos vel artus deturbētur, cruciatus excitāt immanes, ac diurnos, qui noctu maximè ingrauescāt: aut tophos præduros scirrhusosq̃. tumores, haudquaquam tamē doloris expertes, progignunt. Quamquā enim
pitui-

pituitosa videtur materia, veneni tamē maleficio perfusa acrimonię particeps est. Hinc sub ossium membranas se recondens tum acrimonia, tum distentione dolorem excitat: in ossium verò substantiam per tenues quasi tubos sese inferens, illa diffundit dilatq. in tumorem, quæ tandem carie consumpta putrescunt. Si minùs acris materia & mordax cutim non exedit; ad pilorū radices effusa malignitate aut venenato vapore effluuium cōcitāt: quo pleriq. visi sunt sine capillis, sine supercilio, sine barba, sine pilis, qui postea repullularunt. Cū tamen multa vbiq. sint huius pernicipiei signa, nullū tamen cernitur in vrinis: neq. ex iis quisquā aut hoc aut aliud vllum veneni genus possit deprehendere. Iam verò hæc paucula de lue Venerea si acriore iudicio studiosè observaremus, cui nō perspicua fuerit eius pernicipies, quis eam veneni participem infitiabitur? Si enim minima eius portio in totum corpus disseminata serpit non aliter, quàm quæ à canis rabidi morſu infertur, possitne esse veneni expers? Non enim in externas duntaxat, quæ sub aspectum veniūt, verū etia in interiores quasq. partes, in ipsaq. viscera penetrat, quę dissectis mortuis comparent

rent pustulis vlceribusq̃ foeda . Itaq. hoc in morbo, aliisq̃. venenatis plurimos videas captiosa eaq̃. admodũ inani ratione falli, quòd dum vident symptomata hæc omnia cũ humoris cuiuspiam vitio insultare, nihil præter humorem inesse putant, nihil maius animo concipiunt, neq. acriore animi acie perscrutantur, num aliud quippiã in humore subsit, in quo præcipua affectionis causa consistat : quale procul dubio, si sensu non ceruimus, potest certè ratione ac intelligentia comprehendì. alioqui in maxima rerum ignoratione versamur. sed de his aliàs. Hæc luem nulli adnasci, nisi contagio qui se polluerit, diximus. quod quoniam in concubitu solet euenire, pueros & senes aut alioqui coitus expertes rariùs occupat: sæpius & facilius, quo quis salacior, & in Venerẽ est procliuior. qua de re & à partib. obscenis sæpissimè incipit. licèt & interdum ex aliis plerisque, vt dixi, locis expullulet, quib. labes contagioq̃. fuerit aspersa . Inquinatur autem dumtaxat vel purus ab impuro, vel impurus ab eo qui sit lógè impurior: à simili verò, vel minus impuro numquam. Æquè impuros citra offensionẽ congregari licet: & vterq̃. tamen alium puriorem cõgressu labefactat.

C

Hau-

Hauritur etiam interdū Lues è scorro, quod nondum sit inquinatum, cū quis cum eo volutatur mox ab alio impuro scortatore. Impūritas non ex cute spectatur, quōd sæpe inueteratæ luis fermentum intus reconditū sit & abstrusum. Iam quos corripuit, vt quisque viuit, ita eū aut citò deserit, aut diu tenet, & in totum absūmit. In Italia & Hispania ac sicubi præterea sobrij sunt homines, mitior: in Germania propter crapulā & victus intemperantiam, vt diutius hæret, ita prehensos infestissimè torquet & acerbissimè affligit. Secundo loco sunt Galli.

Luis species, signa & symptomata.

C A P V T V.

L V I S differentias speciesq. nonnulli, quib. symptomatum quàm essentia maior cura fuit, varias multiplicesq. statuerunt. Vna tamen & eadem est essentia totius: sed variis distincta ordinibus, vt alia leuior sit, alia grauior. Est & corporum, in quæ illa incidit, permagna varietas. Ac vtraq. ex causa fit vt lues alia leuiorib. alia grauiorib. symptomatis exerceat. Omniū leuissima est ea species, qua solū capitis & barbæ pili sensim

citra

citra ullam corporis effusionem defluunt. Eius quippe virus in tenui quodam vapore consistit, qui in corporis summa diffunditur ad pilorum radicem. Atq. vt ephemera febris à putrida, ita & hæc species distat à ceteris. Altera paullo deterior est, qua cutis vniuersa crebris maculis minimè tuberantibus aspergitur, iisq. paruis lentiginis instar, ac modò rubris modò flauis: quæ non ante deleri extinguive possunt, quàm morbi radix sit euulsa. Hæc in tenuissimo sanguine virus habet: quàm nulla alia grauiora sequuntur symptomata. Tertia species grauior, ac iam vera Lues est. Hac rubræ aut flauæ pustulæ primùm quidem circa frontem ac tempora, poneq. aures, dein in capite atque etiam in reliquo corpore erumpunt & extuberant rotundo schemate, siccæ sine pure, quæ dein sicca crusta obducuntur: atq. si negligantur, serpunt in ambitum, excauantq. cutim, dum ex pustula verum vlcus fiat: quod ferè virulētum est, ac sordidum. partes quæ ad podicem, nares atq. fauces sunt, quia tenellæ, omnium primæ exulcerari solent. Emergunt autem hæc, cùm iecur ipsum, atq. sanguinis humorumq. massa labefactatur. à qua protinus carnosæ mollesq. partes detri-

C

2

men

mentum capiunt. Quarta nis species succedit, cum iam inualescens Lues solidas partes, ossa, vincula, membranas ac nervos adurit. In his iam vitiatis excrementa multa, crassa quidem ac glutinosa pro partis conditione, sed tamen maligna congestione accumulatur. quæ nonnumquam in tendones, sæpius inter ossa & periostea confluunt. Hæc cum vel membranâ ab osse diuellunt, vel eam maligna acrimonia feriunt; cruciatus cient implacabiles, qui noctu ferè ingrauescunt. Ab his demum coaugmentatis præduri tophi cum cruciatu multò graviore succrescunt. Eadem porro cum in osse figuntur, id amplificant, distendunt, atq. exedunt, ut eius sæpe deprehensa sit monstrosa figura. Tandem verò corpus vigiliis, dirisq. cruciatibus confectum & atrophia marcescens, vita destituitur. Quæ Luis natura ac conditio, & quibus illa ordinibus tamquã differentiis discreta sit, ex his constat. Iam certa eius signa, quæ causæ efficientis symptomata sint sparsim proposita, seorsum enumeranda, & in epilogum coartanda sunt. Itaq. si capillorum aut barbæ defluuium citra morbum grauem & acutum incidat, & maculæ exiguæ lentiginis instar, modò rubræ

brę, modò flauæ per cutim vniuersam exor-
tæ sint: lues Venerea contracta est. idq̃. cer-
tiùs constat, si vel in pene vel in inguinib.
ἡμφαινόμενον aliquod præcessit. Eadem sen-
tentia ferenda est, si rubræ, aut flauæ aut li-
uidæ pustulæ circa frontem & tempora, po-
neq̃. aures, dein in capite & podice ac reli-
quo corpore extuberant rotundo schemate.
quæ cùm initio siccæ essent & sine pure; de-
in sicca crusta obducuntur, aut etiam exul-
cerantur, excauanturq̃. & in vlcus sordidum
rotundum ferè degenerant. Sed omniũ ha-
rum pustularum & vlcerum ab aliis simpli-
cibus distinctio vix planè & ad vnguẽ litte-
ris explicari potest: oculorum intuitu & fre-
quenti aspectione cognoscenda. Si dolores
& cruciatus ingentes noctu ingrauescentes
non in articulis, sed in mediis artubus affli-
gunt, in quibus etiã topi præduri inter os-
sa & periosteæ ex crassa lentaq̃. materia suc-
creuerint; aut etiam carie, consumptum os
est exesumq̃: Lues iamdiu cōtracta est. Ho-
rum multis aut aliquibus tandem compa-
rentibus, Lues contracta intelligitur, & cu-
ratio maturanda. Multos video symptoma-
tum multitudinem inter Luis signa repo-
nere. quæ quoniam illius propria non sunt;
C 3. cogni-

cognitionem interturbant, & tyronum ingeniis nondum exercitatis & usu confirmatis, caliginem offundunt. Quorsum autem attinet lassitudinem, prostratam appetentiã, somnolentiam, faciei pallorem, linguæ scabriciem, aliaq. innumera, sine lue quotidie affligentia inter Luis signa recensere? Iã verò cum clanculũ sæpe serpat Lues, hæreatq. in corpore diutius, nullis signis prædictis conspicua, illius ab aliis affectibus internotio, atq. dirẽptus accuratè tradendus. Itaq. cum ex dubiis signis de Lue ambigitur, eius origo est altiùs inuestiganda, & partes omnes adẽundæ, à quibus initium habere potest. Et quoniam non nisi attactu cõtrahi potest: necesse est, vt labes aliqua in ea parte primum comparuerit, per quam insertum est virus. Quendam exempli causa statuamus, multos iam menses de scapularũ & occipitis dolore, noctu quàm interdiu grauiùs affligente conqueri: qui iustis purgationibus & topicis remediis non cesserit. Cum dolor externus sine manifesto tumore aut abscessu tamdiu affligerit, frigidum ex capite humorem eò confluere sensim, aut certè partis vitio & imbecillitate gigni, cumulariq. necesse est. Qui tantum à visceribus in par-

tes

tes externas pellitur noxius humor siue tubercula aut pustulas excitet, siue scabiem, siue per vniuersum corporis habitum diffundatur, dolores non efficit tam atroces, non noctu excādescētes, sed qui dumtaxat circa partes membranosas cumulatur. Luis enim initio ex interioribus noxia materia ad cutim pellitur: quæ postea in tubercula & pustulas erumpit: nullus tamen ante affligit dolor, quàm circum membranas venenata qualitate iam perfusas vitiosus humor *venenata &* maligna congestione coaceruatus sit. Et in hydrope Anasarca licet totius corporis habitus cruciatibus distendatur, nullus tamen aut obtusus admodum dolor est, vt nec in tumoribus pedum œdematosis, circa finem diuturnarum febrium contingentibus. Vtrum verò frigidum hunc humorem simplex partis intēperies cumulet, an qualitas potius maligna ei perfusa, inuestigandū diligentius. Perscrutandum ergo num ante hos dolores, quidquam in partibus obsce- nis comparuerit. Emergūt autem in his pustulæ, vlcera maligna, virulēta, gonorrhœa, & inguinum bubones. Hæc tametsi nondū lues Venerea dicuntur, sunt tamē rudimentum & veluti character eius impendentis.

quorum si quippiam præcesserit, quod postea quibusdam remediis fuerit sublatum, quoniam tamē scapularum dolores diutius perseverant, venenatæ cuiusdam qualitatis inde relictæ suspicio esse debet: quæ solidas partes iam obsidens ac illarum concoctionē pervertens, excrementa multa cōgerit, eaq. crassa & maligna, quæ doloris caussa sunt efficiēs. & hīc communia omnia distillationum remedia cōveniunt. Si vel in faucibus vel in ore vlcus, vel excoriatio, aut quavis alia corporis parte contagione aliquid inhæsit, eadem est ferenda sententia. Licet enim resiccatum fortasse fuerit vlcus, non est tamen mali radix euulsa, sed sensim interiora vastans, tempore sui testimonia profert. Suspicionis porrò occasionem confirmabit, si circa os tibiæ, aut brachij, aut frontis, aut alterius partis alicuius humor in callum aut tophum concrescens, nocturno dolore fatigans, exstiterit. hic enim non aliunde nasci solet, & huic morbo familiaris est. Quod si præterea inunctiones ex hydrargyro eger expertus est: multò erit certior causssæ interioris coniectura. At verò si istorum nihil præcessit, sed solitarius dolor est, causssæ internotio difficillima existit: quam tamen hac ratione

tione assequi licet , si dolor, cuius causa inuestigatur , vel in articulis, vel mediis artubus & musculis sedem habet . Qui in articulis, vel circa hos existit, fixusq. est: nō Venereus, sed vel Arthriticus , si consuetus est, ex interuallis repente inuadit , paulatimq. soluitur: vel à simplici est defluxione . Non enim Venereus dolor articulos (id pace multorum dixerim) sed medios artus obsidet. In quibus etiam diximus plerumq. tophos succrescere, maximè verò in fronte & capite, in clauibus, in medio humeri radio, & cubiti osse, in parte priore tibiæ: nōnumquam & in aliis quoq. ossibus . Iam verò ex iis qui in mediis artubus fiūt, qui breui paruoq. tempore exoriuntur, à defluxione simplici sunt, quæ repente è capite eò labi solet: cuius etiam fons anteà fortasse fuerat deprehensus . Qui verò sensim multoq. tempore procedunt ab eo excremento , quod pars malè affecta paulatim congeffit , Luis materiam redolent. atq. idcirco cunctandū est, dum alia se produnt symptomata . Neq. enim incogniti & nondum planè perspecti affectus tentanda vmquam est curatio . Solent enim complures admissum scelus constanter denegare, dum dolorum vehemen-

C 5 tia

tia & ingenti symptomatum turba conuincantur. Sed de his satis. Iam agnitæ Luis tradenda curatio.

Curatio per hydrargyrum.

CAPVT VI.

QVI omnium primi tetri huius & immanis morbi curationem sunt aggressi; neglecta eius essentia, horū duorum symptomatum, tuberum nempe & vlcerum tantū curam habuerūt. Ac primū cū illa corpus depascebantur, causticis comburere conati sunt. Dein quia vno extincto, noua renascebantur, permulta excogitauerunt vnguento eodem restinguere omnia, in aliarū pustularum & scabiei modum. Aliter atq. aliter hoc tentabāt, verū nullo quisquam effectu, argentum viuum qui nō addidisset. Huius enim vsum aui nostri ex Arabū schola deduxerunt, quos cōstat hydrargyrum ad vlcera maligna & cacoëthea coërcenda, atque ad scabiem omnem siccam feliciter vsurpasse. Itaq. eocum aliis quibusdam oleis & pulueribus in vnguenti formam concinnato inungebant brachiorum & crurū iuncturas. alij & spinam & ceruicem: nonnulli etiam

etiam tempora: item & ventrem. atq. iterū
alij vniuersum corpus. Quibusdā semel die,
quibusdam bis: nonnullis tertio iterum die;
nonnullis quarto. Claudebatur æger in æ-
stuario, quod calebat assiduè atq. intentissi-
mè, alij viginti, alij triginta totos dies, non-
nulli plures. perunctū lecto, qui intra æstua-
rium sternebatur, apponebant, ac multa su-
periecta veste sudare cogeabant. Empiricam
hanc curādi rationem hætenus secuti sunt
Medici & Chirurghi ferè omnes, non sine
magno Reip. detrimento. Tanta siquidem
huius vnguēti crudelitas est atq. ferocia, vt
secundo statim aut tertio die lāguescere in-
cipiat æger. quippe quod in summo corpore
est, & in toto corporis ambitu, summa sua
tenuitate colliquat ac dissoluit, ac tandem
extrema refrigerandi, qua pollet, facultate,
ad interna repellit: inde in ventriculum &
thoracem, è quibus deinde sursum partium
continuatione ad gulam & os compellit, tā-
ta tamq. violenta iniuria, vt dentes quibus,
vt & cerebro peculiariter inimicum est, sta-
tim omnibus vacillent, ac nonnullis liuidi
decidāt omnes. Quædam è corpore per su-
dore dissipat: quædam purgatoria vi in al-
uum deturbat magnis torminibus. Atq. vt
pau-

paucis complectar, omnib. certè, qui ita curantur, exulcerantur fauces; lingua, & palatum intumescunt; gingivæ, dentes vacillant: sputum per ora sine intermissione profluit, omni prorsus fœtore olentius, tanto contagio, ut labia eius contactu vlcus contrahant, & intus buccæ vlcerentur. frige factò stomacho, & turbato fœtore, appetentia cibi destituuntur ægri: cumq. siti intolerabili crucientur, vix tamen bibere possunt, os alioqui totum vno occupate vlcere. Quinetiam lingua balbutiem, aures surditatem contrahunt nonnullis immedicabilem. Fœtet omnis circum habitatio. Atq. adeò durū est hoc medicationis genus, ut perire morbo complures malint, quàm tanto periculo tam acerbò discrimine leuari. quamquam vix centesimus quisq. leuatur, recidiuo ut plurimum ægro. Recidiua rarò similis est radici: neq. iisdem symptomatis exercet, sed ferè distillatione, arthritide, tophis vel ossiū carie. Neq. pari cōtagione eos, cum quibus societas est, afficit; quòd humoris furor & impetus illis auxilijs repressus sit, etiam nondū mali radice reuulsa. tēpore siquidem ea reuirescit, recurritq. interdum post annum vigesimū, aut etiam trigesimum: tantoq. interuallo

mali

mali fomes, quasi sepultus, delitescit: Et nihilominus, qui tum expertes mali, prorsusque expeditos se putant, alios cum quibus concubuerint, contaminant, prolemque gignunt ea Lue conspersam: indicium sane, tum temporis mali fermentum in venis, in ipsisque partibus reservari, & ut dicere solent, in ipsis quasi medullis delitescere. Est igitur omnium curationum acerbissima, quæ huiusmodi perunctione fit: & in ea miserrimum hoc quoque est, quod plerique omnes qui sic medentur, Medicinam non callent, sed ut audacissimus quisque aut in aliis vidit, aut ipse tulit, ita medicum agit, vno quopiam ad omnes vnguento utens, & ut ille ait, vno collyrio omnes persanans, nullius neque temporis neque corporum qualitatibus habita ratione. Si quid accidat interim ægro, consilij inopia, quid suadeat non habens, morbi peruvaciam & malignitatem arguit, quæ non nisi iterata vntione tolli possit. Hinc alius bis, alius ter aut quater, nonnulli decies, alij etiam undecies aut duodecies eam curationem experiuntur, tanta cum doloris acerbitate & malorum aceruo, ut credi possit, nimium viuendi cupidos, qui non mori maluerint, quam sic vitam proferre. Multis namque ad vertiginem, quibus-

busdam ad insaniam vsq. infestatur cerebrū
post curationem. Tremunt multis non ma-
nus tantum, sed pedes etiam & vniuersum
corpus, aliis quidem ad annos aliquot, aliis
ad omnem vitā. Multos in media curatione
interire vidimus, dum carnifices illos hypo-
causto plus æquo calido includunt: in quo
illi salutis, quam sic adepturos se esse sperāt,
studio patientiū consistunt, donec resolutis
caloris vehemētia spiritibus ac defectis cor-
dibus mori se non sentiant. Alios vidimus,
intumescēte ad fauces gutture, cū exitū
nō haberet sanies & spiritus, suffocari: quos-
dam cum meiere non possent, alios exorta
dysenteria ac febre, mori. Omnino pauci ita
conualescunt: iiq. validi ac robusto corpore,
quib. malū inter initia consistit, solusq. cor-
poris spiritus vel humor, non autem partiū
substantia obsidetur. atq. illi hoc periculo,
hac amaritudine, his malis affligūtur. Nam
cū initium præterlapsa Lues ipsam iā par-
tium substantiam obsidet, vt argentum vi-
uum pustulis, vlceribus, tophis, doloribus,
aliisq. symptomatis tanto periculo opem fe-
rat; mali tamen radicem haudquaquā euel-
lit. Et si quod iuamētum eius adferat vsus;
id profectò vix ad paucos menses ne dicam
dies

dies durare consuevit. Pro hac tam acerba, tamq. periculosa curatione, Chirurgi Naturæ arcana penitus (si diis placet) intuiti, veluti pro aris & focis decertant. Nec inuenta meliore fruge, glandibus etiamnum vesci desinunt, veriti credo, ne vel ipsis de suo aliquid decedat lucro, vel à iuniorib. aliquid didicisse videantur. His ego ad Solem cæcutientibus longū Vale præfatus, quæ de hydrargyro sentiam, paucis exponam.

Hydrargyri vires.

CAPVT VII.

HYDRARGYRVS summa partiū tenuitate præditus tantam vim purgandi sortitus est; vt ne vltionem quidem, ea spoliari, priuariq. possit; sed quod aliorum purgantiū nulli concessum video, in eius cinere supersit ea multo etiam, quàm antea vehemētior. Purgat autē peculiari & sibi insita proprietate crassum lentumq. mucum, atq. ipsam pituitam, deinde consecutione quadam bilē vtramq. Crassum hunc lentumq. mucū cū ex corporibus vel exquisitè sanis eo perunctis detrahat, tendones, membranas, neruos aliasq. partes solidas dissoluere videtur:

tur: atq. propriâ ipsorum substantiam colligere, & in eam materiam cōvertere, quam ex ore stillare manifestè cernimus: carnosas verò & molles in sudores digerere, totiusq. corporis constitutionem adeò pervertere, ut diu postea nō nisi crassum lentumq. mucum vel ex puris alimentis proferat. Sed ne ossib. quidem, si quis sæpius vngue ex eo illitus fuerit, vel eius vapore, aut cinnabaris eius sobolis suffitu, pepercit. Siquidē dentes eo sæpius inunctis statim postea vacillant & liuescentes marcescunt. alia verò crassiora cariem parte quadam contrahunt, quam ferro excidens guttulas argēti viui tremulas non rarò ipse comperi. Quamquam autem ut & reliqua omnia validiora, ita Hydrargyrus nonnumquam supra & infra vacuat nō intra corpus modò assumptus, sed etiam foris inunctus, maximè tamen & propria vi supra purgare natus est, & humores omnes præsertim crassos & lentos ex corporis ambitu, & vniuersa mole primū in ventriculum & pulmones regerere, ex his deinde in fauces, tandemq. in os compellere, non quidē vomitione, sed continua mucosi sputi profusione. Vnde & Saluatio vulgo dicta noua hæc & veterib. intentata purgationis forma.

forma. At hæc quidem foris inuncto hydrargyro, numquam intrò sumpto, têtatur purgatio. quæ quoniâ inchoata semel in multos dies velis nolis producitur, imbecillis viribus quisquis illam promouerit, in certum vitæ discrimen laborantem adducet. Rectè Dioscorides argentum viuum seu facticiû ex minio, quod cinnabaris dicitur, siue minerale in argenti-fodinarum tectis stillatim cōcretum, aut per se in metallis repertum, potum vim pernicialem habere cēsuit: eius vsu grauissima fieri tormina, interna exedi & exulcerari, vrinam supprimi, corpus intumescere, plumbeamq. deformitatem concipere testatus. Ac Galenus suspectum eius vsum ita meritò abhorruit, vt interimat necne sumptus vel admotus, periculû numquam facere voluerit: nec deniq. ex veteribus Græcis in Medicinæ vsum tam periculosum pharmacum inducere quisquam est ausus. Quod igitur ex Arabum Medicorum sententia à multis argētum viuum vel extinctum cum aliis sumi intrò posse dictitant, suaq. vt interpretantur, instabilitate & grauitate, mox vt ingestû est, ad aluum deuolui, reddiq. sincerum nullo ventriculi aut interaneorum vulnere minimè recipiendû

D

cenſeo.

censeo. Multo minùs vero consentit, quod Antonius Musa multis litterarum monumentis clarus scriptum reliquit, infantium lumbricos argento viuo propinato tutè sese enecasse professus. Nec, si puerorù pediculos vnguento ex hydrargyro in capite parte nervosa & frigida mulierculæ nullo discrimine interimunt, idcirco sanè statim licuerit argentum viuum, cuius solo vapore non homines solù perculsi, sæpe stupidi ac prorsus veterinosi redduntur, sed aues quoq. omnes repentè mortuæ concidunt, intra corpus assumere. Quid igitur de his sentiam, expertusq. sim, paucis complectar.

Equidem tam mihi peccare videtur, qui hydrargyrum quouis modo præparatù tutò ore porrigi posse contendunt, quàm qui venenatum adeò & humano generi ita periculosum existimant, vt à remediorum etià externorum censu prorsus sit expungendum. Nam tamen si fortasse introsumptum ventriculum & interanea, pondere non exulcerat, sicut neq. plumbei sclopetorum globuli, (siquidem hi diu interdum in corpore hærent sine incommodo, dum sibi viam & exitum pondere suo pararunt) alia tamè ingenti frigore, quo os præsertim vetriculi lædit,

dit, alia eaq. multo grauiora, venenata sua qualitate ac malignitate symptomata concitat, iis non dissimilia, quæ sumpto puluere plumbi amicus quidam meus his diebus expertus est. Erat is distillationi è capite interdum in ceruicē & scapulas, interdum in pedū articulos obnoxius: qua tamen superueniente iustis vacuationibus haud ægrè liberari solebat. Huic à me iam dolorib. liberato Empiricus quidā plumbi puluerē aduersus Arthritim ita commendauit, vt in eo solo eius recurrentis præcautionem positam esse statim persuaderet. Cuius idcirco vsum amplexus pulueris eius sesquilibram ex iusculis, ex vino, & pyris coctis aliisq. cibis saccari loco dierum quindecim spatio absumpsit. Sed dii boni: quot quantaq. incōmoda statim persensit! Dysenteria crudelis febris stipata die duodecimo exorta est cum grauissimis non ventris solū, sed & ventriculi torsionibus ad eam spinæ dorsi partem, in quam os ipsius incumbit, pertinētibus. Ventriculi tanta dissolutio, tanta oris oblatio, subsecuta est, vt ne contactum vel blandissimum ferre posset. Et quęcumque ingerebatur, vel in plumbeum nidorem, vel in mucorem tenuissimum versā mox reuomebatur.

tur. Inde ructuum tanta edebatur copia, ut in flatus omnia abire videretur. Sedata dysenteria, graues illi ventris, lumborum & ventriculi cruciatus dies x x. perseverarunt cum incendij interni molestiis. sensu, totidemque noctes peregit insomnes. Atque hoc temporis intervallo licet sitis ipsum non valde exerceat, appetentia tamen semper prostrata iacuit: nec alius quidquam nisi vel clystere, vel cathartico medicamento proritata reddidit. & quaecumque tum infra tum supra aut sponte aut artis beneficio prodire, plumbeo colore infecta erant omnia. suam illam qualitatem internis partibus pertinaciter adeo impresserat. Interim exorta ictero corpus totum foedatum apparuit, ac sanguis sedata dysenteria ad febris curationem reſerata vena detractus, totus flauus biliosus ac spumofus deprehensus est. Hæc tam graua tamque periculosa symptomata si plumbum non tam pondere aut insita frigiditate, quam occulta quadam eaque inexplicabili malignitate oblaesis visceribus inferre animaduertimus, quid de hydrargyro intro sumpto censendum putemus?

Pictor quidam Andegauensis annos natus x x x. firma ac laudabili corporis constitutu-

titutione non ita pridem hic agens anno
M. D. LVII. manuum digitos grauiores
solito, torpidiores, ægriusq. mobiles perci-
piens, paucis pòst diebus contrahi illos, con-
uelliq. sensit: atq. sensim indies magis ac
magis aucta affectio est; dum incurui illi &
pæne inflexibiles manerent. Quin & carpū
& brachia peruasit affectio, dum neruis ten-
donibusq. infrigeratis, humoreq. crasso im-
butis admodū torpida, cōuulsa, grauiaq. red-
derentur. Haud multò pòst idē pedes vitiū
sensere, sublata incedēdi potētia. in histamē
vt neq. in brachiis neq. in manibus, non ad-
modū vehemens dolor affligebat. Misellus
hic tot malis non satis, credo, diuexatus, a-
liud symptoma longè grauiissimum ac cru-
deliss. incurrit. Dolor enim acerbissimus
atq. atrocissimus vētriculum atq. hypochon-
drium vtrumq. occupare cœpit, sed qui ad
totum vētrem pertineret. cui, cū nec no-
ctu nec interdiu intermittebat, clysterib. fo-
tib. balneis, ac aliis quibusdam remediorum
generibus, sed frustra, leuatio quæsitā est.
Vnicum tantū in accessione inuentū est
solatium, tres quatuorve robustos homines
ventri superpositos sustinere. Compresso si-
quidem ventre, paulo mitior cruciatus erat.

D 3

Vbi

Vbi sex, octóve dies, nonnumquá & duodecim miser ille adèd fuerat discruciat, sensim abeùte dolore láguidus quidè ac penè moribundus cernebatur, sed qui statim restituta appetentia vires aliquas reciperet, dum alia rursus simili accessione correptus prosterneretur. Viginti enim non ampliùs dies intermittebat. Atq. in accessionibus alius ne validis quidè proritata medicamentis quidquá demittere poterat. quod si quādo cōtingeret; nigrū omnino ac liuidū stercus erat. Sed & in intermissionibus, quacūque purgantium medicamentorum vi detrahebantur, atrabiliaria omnia ac splenis purgamenta iudicari poterant. Adhibiti ad tanti mali expugnationē celeberrimi quiq. Medici brachiorum & pedum resolutionē ad cinnabrium, quo pictores non rarò vtuntur, referendum putauerunt. Cū enim penicillum ille sæpe digitis extergeret, iis inherens cinnabrium ex hydrargyro facticum, partium continuatione vim suam in cerebrum, cui vt & nervis & tendonibus & membranis omnibus imprimis inimicū est, transmisit. in quo frigefacto pituita multa tandem collecta est, quæ postea in tota brachia & pedes influens eorum tēdonibus & nervis

neruis symptomata his non dissimilia, quæ
unguento ex hydrargyro perunctis accidit,
excitauit. Et hæc sana fuit, me iudice, sen-
tentia. At in doloris illius atrocis peruesti-
ganda causa quandiu laboratū est? quot ha-
bitæ cōcertationes! quàm varia fuerūt Me-
dicorum iudicia! Alius frigidam vitreamq.
pituitam intestinis firmitus inhaerescens
quàm vt facile posset detergeri, in flatu re-
solui, doloremq; colicum excitare conten-
debat. Alius bilem acrem, quam natura in
intestina expurgare debuerat, inter abdo-
minis membranas effusam, illicq; cōcitatam
certis cruciatibus inualescere, intumescere,
& quoquoersum furibundè moueri iudi-
cabat; atq; in ipso motus impetu tum disten-
tione, tum compunctione membranarum
crudeliter illum dolorem excitare. Alij de-
niq; alias causas astruebant: quas superuaca-
neum fuerit recēdere. Etsi autem vnusquis-
que posita à se & probabilibus coniecturis
inuentæ causæ remedia opposuit consenta-
nea; nullus tamen potuit dolorem non dico
in totū tollere, sed ne aliqua ex parte quidē
minuere, vel accessiones eius breuiiores aut
tardiores efficere. Immò verò annos tres
crudeliter excarnificatus, exsanguis tandē ac

planè tabidus vitam cum morte commutavit. In dissecto huius corpore singula ad causæ investigationem inspicientes, iecur, lienem, ventriculum, & renes naturalē constitutionem præferre vidimus: nulla in cysti fellis obstructio: nulla in mesenterio humoris vitiosi congestio: nihil deniq. in vlla alia parte notari potuit, quod tantorū fuisset malorum caussa. Omnes siquidem longè aberamus à scopo, & tota, quod aiūt, via errabamus. Cū enim penicillum non digitis modò extingeret, sed etiam imprudēs & incautus ore exfugeret, verisimile est, vt è manuum digitis, partium cōtinuatione cerebro, totiq. generi nervoso communicata fuit cinnabaris, ita ore acceptam ventriculū & intestina, membranasq. omnes interiores non humectasse solū aut frigefecisse, sed inexplicabili vitio & maligna quadam qualitate, quæ oculorum refugiat obtuitum, infecisse; quæ tantorum dolorum caussa occulta fuerit: cui non tam purgātibus, quàm contrario erat antidoto succurrendum. Sicuti dolores his non dissimiles plumbei pulveris vsu concitados, cū nullis purgationibus cedere viderentur, balneorum & lactis usinini vsu curauimus. Ratum sit igitur argen-

gentum viuum & plumbum incomprehē-
sa sua qualitate venenata, inexplicabilia vi-
tia partib. internis inurere, vnde vix vñquā
expediri queant: nec intra corpus vñquam
sumi debere. quod & alia obseruatione con-
stat. Populi qui ad Alpes habitāt, broncho-
celis turgida guttura habēt: id quod & nos
aliquando vidimus, & veteres etiam com-
plures litteris prodiderunt. Id autem illis vi-
tium peculiare est, quod Alpes metallorum
venis, maximeq. argenti abundant, per quas
aquarum scaturigines emanant. aquæ autē
vitiosa hydrargyri facultate imbutę suos tu-
mores proferunt, quæ & dentib. & toti ce-
rebro non parum obsunt. Qua ex causa ve-
teres multos fontes notarunt, ex quibus qui
biberant, alij intra biennium, alij citius vitā
amittebant. Quamquam tamen hydrargy-
rus externis affectibus sæpe auxilio fuit:
quippe qui sanguinis incendium, bilis ardo-
res exesionesq. foris ad motus mītiget, sistat
atq. compescat, ex iisq. nata vlcera persā-
net. Quocirca ad cohibendam omnis gene-
ris serpentem scabiem siccam, ad lichenas,
ad psorā ac lepram affectus sanē perquā
rebelles nec aliis quantumuis accommoda-
is remediis obsequentes, magno profectu
D s illud

illud aliis ritè permistum, vt proprio dicetur loco, vsurpauimus. Sed de his satis. iam de primis qualitatibus.

Argentum viuum aliud ex plumbo, alià-
ve materia fieri, aliud in argenti-fodinarum
tectis stillatim concretū inueniri, inter om-
nes constat metallicæ rei peritos scriptores.
Verūm de eius temperie non parum inter
se Medici dissentiunt. Aliis frigidum & hu-
midum, aliis calidum & siccum existima-
tur. Qui de fodinis inueniendis ac de ipso in
illis legendo obseruationes litteris manda-
runt, montes locosq. omnes in quib. abstru-
sus delitescit hydrargyrus, ineunte vere cras-
sis densisq. vaporibus ac nubibus circumda-
ri, altiùs ob sui grauitatē ascendere nequeun-
tibus, vixq. vniquam aquæ penuria vel me-
dia æstate laborare prodiderunt. Idcirco ar-
boribus plurimis illa loca luxuriant, & her-
bis variis decorantur, alias viriditate & ve-
nustate facilè superantibus. Sua enim frigi-
ditate ac humoris multi copia æstatis æ-
stū & siccitatem hydrargyrus contemperat.
Contrà sulphur, vitriolum, & sal calore suo
& siccitate arida omnia & sterilia vicina lo-
ca reddunt. Adhuc arbores ad fodinas argēti
vini tardiùs multo quàm aliis in locis folia
emitt-

emittunt, & vix vniquam flores edunt: qui si fortè aliquando erumpāt; fructus certè ad maturitatem peruenire nequit. Postremò in fodinis, qui hydrargyrum legunt, aut præparant, nisi prudēter & cautè se gerant, in nervorum contractionem faciliè incidunt. Et hæc quidem, quæ vel rei Medicæ ignaris experientia quotidiana innotuerunt, hydrargyrum frigidum & humidum esse testatur. Sed ad alia pergamus.

Argentum viuum aliud facticiū ex plumbo, vel, vt Dioscorides cēsuit, ex minio, quod Cinnabaris dicitur: aliud spōte naturæ prouenit, legiturq. in propriis fodinis. Illud originis suæ nondum immemor crassius & impurius, vt quod ad inaurandum, nisi accurata præparatione expurgatū attenuatumq. fuerit, accommodari nequit. Naturale verò tenuius, purius, & ad omnia multò præstantius, durissima quæq. metallorum corpora subit ac penetrat, secumq. in his affusum retinet aurum. Vtrumq. tamen eiusdem esse naturæ, eodemq. temperamento prædita, inter omnes constat. Quocirca si facticium ortus sui ratione frigidum sit, argentū omne viuum frigidum esse necesse est. Sed ad eius opera & effectus oculos mentemq. conuertamus.

tamus. Dolores quoscumq. tum calidos tū
frigidos vi narcotica sistit, & consopit; perin-
de atq. opium: sanguinis eruptiones omnes
sistit, bilis ardores exesionesq. retundit, & a-
crium omnium humorū impetus cohibet:
pustulis vlceribusq. ex iis natis opitulatur.
Hæcne vllus ad causam caloris participem
referet? Sed mala, quæ corpori admotū in-
uehere Auicennas cōmemorat, & nos lon-
ga didicimus experiētia, percurramus. Cere-
brum neruorum principium ita refrigerat,
emollit, & laxat, vt rheumatismis nulla aut
leui admodum occasione tentetur in poste-
rum. atq. si aliquando in aurem incidat, præ-
terquam quòd tanto frigore dolores excitat
diuturnos, surditatem quoq. parit, atq. men-
tem peruertit, & sua sede dimouet: sed, vt
sæpe, conuulsionem; qua conquiescēte, ma-
gna partis conuulsæ relinquitur grauitas; in-
terdum vertiginem, sæpissimè epilepsiā con-
citāt; nonnumquam veternum, aut etiam a-
poplexiam cerebri substantia nimio opere re-
frigerata commotaq. Hæc si inunctus ac
corpori affrictus hydrargyrus infligit incō-
moda, nonne impensè frigidus & humidus
sit oportet?

Faber quidā aurarius anno Christi 1556.

folius

folius hydrargyri vapore grauissima, quæ
mox dicam, sensit incommoda. Is bis aut
ter ad summum, dum argenteam supelle-
ctilem inaurabat, hydrargyri vapore admis-
so imprudentius, statim stupidus, veternosus
ac planè mutus euasit. quæ in os indeban-
tur, deuorabat ille quidem; stercus tamen &
vrinam minimè exire sentiebat, neq. ad au-
rem inclamantes audiebat. Exactis mensi-
bus sex accensus humor febrim tandem a-
cutam concepit: ac tum excusso torpore lo-
qui cœpit, & quæ sitis respondere, sed per-
turbata omnia & confusa. Remisit die xx.
post accommodatas vacuationes febris, &
in lentam degenerauit: qua tandem libera-
to, cerebrum graue torpidi q. sensus omnes
remanserunt, mensq. ex interuallis pertur-
bata. Hic quis opera non agnoscit immensæ
frigiditatis & humiditatis? Sed quid hæc vt
noua profero? Nōne ex iis, qui vel vnguē-
to ex hydrargyro illinuntur; vel eius vapore
aut cinnabaris suffitum admittūt, alios quo-
tidie videas subitò resolutos aut attonitos
repētè concidere; quosdam asthmate anhe-
los, alios paralyticos, collo, manibus, pedi-
busq. tremulis vacillantes, alios surdos, reli-
quam vitam miserè exigere? Hispanorū &
Italo-

Italorum aliptæ ex hydrargyro fucum mulieribus quærentes in quàm scæda mala illas coniiciunt? Solius faciei illitu dentes his breui liuidi marcescunt, fœtet anhelitus, facie corrugata oculi caligant, & senescentes asthma pœreūt. Sed rem in hydrargyro admiratione dignam, à nullo quod sciam, animaduersam contēplemur. Hic enim, si quis rerum euentus bene obseruet, nō modò pituitosis morbis obnoxia nostra reddit corpora, partesq; omnes in primis carnosas suo frigore & humore lædit; verùm ita labefactat, & sua qualitate imbuit, vix vt corpus febre corripì possit, etiamsi multa scateat cacochymia.

Anno à Christo nato 1556. Coriarium quendam tonsor vt inuiserem rogauit, rarū affectum & obseruatione dignum me visurum dictitans. Is tametsi annos ampliùs decem post curationem per hydrargyrum ita salubriter exegerat, vt videretur percuratus; repentè tamen exorto in sincipite dolore diutiùs perseuerante, non modò eius partis os totum paulatim cōputruit, exesumq. est, vt frustulatim excideret: sed & cerebri vtraque menynx eadē putredine absumpta, subiectaq. cerebri substantia in abscessum conuerfa

uersa est; unde magna puris copia (miserabile visu) per multos menses, non ex ea tantum parte, sed ex utriusq. oculi angulis etiam stillat: dentes exciderunt omnes. Hic tamen neq. febre corripitur (incredibile dictu) visus est, neq. cibi fastidio multum premi, neq. extenuari, dum ad ventriculos cerebri vetum est. quo tempore mors repente hominem diu misere afflictum e medio sustulit. Alios complures vidimus non minus crudeliter excarnificatos ad longum tempus vitam produxisse sine vlla febre; nisi forte dolorum vehementia, aut vigiliarum diuturnitate lentæ cuiusdam species inducatur. quæ etsi diutius perseverauerit, non tamen, ut parum in his versatus existimare posset, in hecticam degenerat: sed remediis quæ Lue, eiusq. symptomata tollunt, interdum etiam febri aduersis, desitescit. Huc quoq. spectat, quod Medicis in artis quidem operibus diu versatis & exercitatis, sed parum oculatis sæpe imposuit; eos qui vnguento ex hydratgyro semel fuerunt inuncti, ægrè adeo medicamentis purgantibus moueri, ut ea duplo validiora, quam antè, facile perferat. Quæ omnia si quis acriore animi acie intueatur, & ponderet iudicio; nonne à frigida quadam caus-

caussa hæc proficisci existimet, quæ nõ modò corporis nostri natiuum calorem ita obtundit, vt ægrè postea catharticum è potentia in actũ reducat : sed & partes omnes humoresq; ita refrigerat & humectat, & in similem sibi qualitatem alterat, vix vt vel medicamentorum vim sentire, vel inflammationem concipere possint. Summa autem hæc refrigerandi humectandiq. potentia nisi in tenui substantia consisteret, haudquaquam tantis operibus excelleret.

Qui contrariæ sunt sententiæ, his maxime argumentis nituntur. Argentum viuum temperie calidum esse, ex effectis, inquit, intelligitur: licet aliis quibusdam probabilibus rationibus frigidum esse appareat. Crassa quippe attenuat, incidit, dissoluit, & in sudores dissipat, obstructa aperit, durissima quæq. penetrat, aliaq. multa edit opera, quæ non aliunde, quàm ab eius calore peti possunt. Sunt enim illa caloris propria effecta, frigoris planè contraria. Verum enimvero si quis hanc rem propius intuetur, efficientem istorum causam aliò referendam esse, quàm ad hydrargyri calorem, intelliget. Etenim demonstratũ est à philosophis & medicis, summas medicamentorum vires & facultates, quæ

quæ causæ sunt efficientes, alias à qualitatibus primis, calido, frigido, humido, sicco: alias à secundis, quæ à materia prodeunt, cuiusmodi est tenuitas, crassities, lentor & acrimonia: & alias à forma & occulta proprietate proficisci: eosq. prorsus cecutire, qui in medicamentis vires omnes à primis qualitatibus quærunt, nihilq. in tota arte præter intemperiem circumsonant. Itaq. argentum viuum summa partium tenuitate, qua vel durissima metallorum corpora subit ac penetrat, non calore attenuare, incidere, & sudores mouere credendum est. Piper & pyrethrum calidissima cum sint; imbecillius tamen sudores promouent, quàm Guaiacum temperatum. minus quoq. attenuant & incidunt, almonum crassum lentumq. mucum, minusq. menses promouet, quàm Gentianæ aut Aristolochiæ radix, illis calore cedens. Sed quæret fortasse aliquis, quæ fieri possit, vt in medicamento impensè frigido & humido materia insit summa partium tenuitate prædita: quærendum quoq. fuerat, cur Opium adeò frigidum, vt narcoticorum sit vehementissimum, amarore gustantibus sit molestum. Multa crede mihi deprehendas in rerum natura, si singula bene exami-

E nes,

nes, in quibus cæcutire humanum intellectum sit necesse. Iam verò hydrargyrum vehementer humidum esse, non siccū, præter supraposita, hinc colligitur: quòd præduros scirrhososq. tumores præ ceteris omnibus emolliat, concretosq. dissoluat: quodq. nervos omnes & articulos adeò relaxet & debilitet, vt omnem fluxionē facile admittant, suscitenturq. eius vsu tremores immedicabiles. At nihilominus quoniam vi specifica omnis generis humores violēter euacuat, rectè ex accidēti exsiccare perhibetur. Hos quidem tremores ad Luis malè curatæ reliquias nervos obstruentes, vel ad motorū spirituum resolutionem dissipationemq. nō ad argenti viui humiditatē aut vim & qualitatem maleficam referendos esse contendunt Chirurghi: & ad hoc argumentis vtuntur parum validis, quæ nobis redarguere facile liceat.

Tremore videntur corripī nō Luc modò cōtaminati, sed alij ferè omnes exquisitè fani, quicumq. argentum viuum in puteis legunt, vel minium effodiūt, vel ex eo hydrargyrum & hinc addito sulphure cinnabarim decoquunt, vel qui inaurando vel alio quouis modo venenatum argenti viui vaporem
aut

aut cinnabaris eius sobolis suffitum; ore naribusq. exceperint. Tremunt etiam iis manus, qui Lue Venerea affectos vnguento ex hydrargyro saepius inunxerunt, idq. sine momentanea ac effatu digna spirituum motorum resolutione, ac sine Lue Venerea. Non ita pridem inauratorem quendam inuisi, hominem alioqui robustum & quadratum, cui hydrargyri vapore ita cerebrum, totumq. genus nervosum repente affectum est; ut non modò brachia & tibiae vehementer illi tremarent, sed ne stare quidē aut incedere, aut attonitum caput & tremulum adtollere posset. Hic curatus standi ac incedēdi vires paulatim recuperavit. Verum cerebrum illi graue torpidumq. remansit, & rheumatismis obnoxium. Occurrunt quotidie & alia eius generis symptomata, quorum animaduersione intelligere est, vim summam inesse hydrargyro refrigerandi, laxandi, & molliendi, cerebro, nervis, tendonibus, membranisq. omnibus in primis perniciosum. atq. idcirco hoc vix umquam, nisi in calido et sicco corpore ad calidum siccumq. affectum utendum, qua ratione mox dicetur.

Iam verò ex purgantibus medicamentis omnibus crassum lentumque mucum spuitione solus vacuat inunctus hydrargyrus,

Luisq. incipiētis symptomata interdū compescit. Chirurgi verum illius alexipharmacū esse rati, reliquis omnibus remediis posthabitis, hunc medicis omnibus eruditis meritō suspectum & inuisum ad Luis curationem vsurpandum contendunt. At licet hydrargyro, vt suprà comprehēsum est, eā vim insitam esse, eamq. naturam nouerimus, vt vel tibix affrictu ē corpore etiā exquisitē sano crassum lentumq. mucum spuitione violenter prouocet: quemadmodum sanē Agariēus, Scammonium, colocynthis tenues ferrososq. humores insita proprietate vel ex sano corpore detrahunt in aluum: quoniā tamen malignam humoris qualitatē ipsumq. Luis venenum iam fortasse solidis partibus tenaciū inhxrens atq. impressum, manifesta contrarietate, aliāve occulta proprietate non exstinguit, ipsius alexipharmacum aut antidotum dici non potest: vt neq. colocynthis distillationum antidotum dicitur: nisi fortē communi appellatione alexipharmaca & antidota nomines medicamenta omnia, quantumq. vel purgando vel aliqua facultate alia morbo cuiuspiā auxiliantur. quod tamen veterum auctoritas & vsus loquendi ac nominis etymon redarguit. Antidota enim

enim & Alexipharmaca propriè appellamus, quæ non quidem extrinsecus impoſita, ſed intra corpus ipſum aſſumpta tota ſubſtantia & occulta proprietate venenis reſiſtunt, atq. aduerſantur; ipſamq. malignitatem exſtinguunt. Nam & lethalia venena, quæ deleteria appellantur, ubi in animalis corpus ingreſſa ſunt; totum id momento temporis immutant, ſibiq. ſimili affectione alterant: ita ſanè alexipharmaca ſeu alexiteria, quæ venenorum remedia & antidota ſunt, contraria venenis lethalibus alteratione totum etiam corpus immutant, & alterationē à deleteriis impreſſam, exſtinguūt: non ſanè quod ſubſtantia ipſorum per totum corpus penetret (neq. enim poteſt tam paucus ſuccus tā breui tempore corporis interdū maximā molē replere) ſed qualitatis diffuſione, qualis & extra nos à ſolis fulgore in ambiente aërem diffunditur, & in nobis tum à corde in arterias, tum à cerebro in nervos fieri conſpicitur.

Hydrargyro tantam vim purgandi ineſſe diximus, ut ne uſtione quidem depereat, ſed in cinere ſuperſit multo etiam quàm ante vehementior. Siquidem uſtione conſumpta exhaustaq. aquea hydrargyri ſubſtantia, in

E 3

qua

qua vis refrigerandi insidebat, etsi nativa eius temperies dissoluta est, manet tamen in cinere, quæ à forma nascitur vis purgatrix multo quam ante efficacior. estq. is tñ vñtione, tum aquæ fortis admistione acerrimus, hoc ab argento viuo differens, quo acetum ab eius vñta sæce. Hunc autem exhibet circumforanei, tonsores, scelerati impostores, non medici, ad luis Venereæ dolores diuturnos, vel alios frigidos quoscumq. affectus, vt hydropem, febrim quartanam, idq. granorum viii. aut x. pondere ex oui luteo, aut Mithridatio vel Theriaca. ac statim ex vniuerso corporis ambitu omnis generis humores sursum ac deorsum prorumpunt, tanto impetu, tamq. violento, vt exhaustis spiritibus, fractisq. viribus, vel repente moriatur æger, vel aliquot dies sine viribus, sine pulsu, sine voce iaceat mortuo persimilis. Os interdum totum inflammatur, ac gingivæ vlcera contrahunt putria ac valde foetida: faucesq. interdum ita intumescunt, vt æger ad multos dies nihil prorsus deglutire possit. Sic dum hæc scriberem, in mea vicinia sceleratus quidam huius vrbis pharmacopœus ad quartanæ curationem tria catapotia ex eo et Mithridatio concinnata exhibens, iuuenem

qua-

quadratum paucis diebus exorta dysenteria
& delirio è medio sustulit.

Quæ ante Luis curationem observanda.

CAPVT VIII.

ANTE QVAM agnitę Luis curationem
aggrediamur, multa sunt pernoscentia. ac
primùm, quâdiu ea affligerit, & quib. sym-
ptomatibus stipetur. Recens quippe humo-
res ac carnes tantum obsidens, aut vixdum
solidas attingens, nullo graui symptomate,
solis maculis aut pustulis quibusdam conspi-
cua, facilè curationem recipit. ægriùs verò,
quæ præterea doloribus & scirrhis tumo-
ribus molesta est. Omnium difficillimè, quæ
confirmata, quæ ossium carie ac partiũ car-
tilaginearum exesione se prodit: quam in in-
terioribus etiã visceribus vlcera & tubercu-
la multa proferre in mortuorum corporibus
dissectis notauit. Ab his considerandus venit
totius affecti corporis habitus, et viscerũ, præ-
sertim verò iecoris constitutio & temperies.
Nam qui sicco sunt & squalido corporis ha-
bitu, & os vētriculi debile nacti sunt, mitio-
ra, quàm qui frigido & humido sunt corpo-
re, remedia exposcūt; vt qui raro & laxo sunt

corporis habitu, quàm qui crasso & denso. Idem de his quoq. sentiendum, qui improba viuendi ratione intemperiem hepatis calidiorem & sicciore contraxerunt. Hi enim omnes nec magnam inedia, nec validas exsiccantes vllas purgationes perferre possunt, cum tenui bile & malis humoribus os ventriculi imbuatur, atq. compungatur; vnde in graues stomachicas syncopas incidat. Inspicere verò oportet, & qui in ipsis visceribus humores exsuperent. Nam si vel partiũ nutrientium insito vitio, vel viuendi errore & longa crapula, vel alimentorum impuritate & intempestiuo vsu illuuiem multã in primis venis & visceribus congesserint, quæ etiam inde in venas maiores effunditur, antequã Luis propria suscipi possit curatio: purgandum corpus sæpius est, & cacochymia focus prorsus exhaustiendus, primũ quidẽ apozematis aliisq. quibuscumque blandioribus primæ corporis regioni expurgandæ destinatis. Ab iis deinde ad ea venietur, quæ è venis maioribus aliquid etiam euellant: tandemq. ad venæ reserationem. Quod si quis temerarius & rei medicæ faciendæ ignarus cacochymia manente tẽtare audeat Luis curationem: vt ipsam (opus sanè quàm difficile)

le) tollat; corpus sanè variis affectibus in omne fortasse vitiū obnoxium reliquerit. Non enim biliosa, melancholica, aliave crassa illuuius circum viscera collecta tota in sudores digeri, dissipariue potest; vt quę circū mēbranas, neruosas ac solidas omnes partes maligna luis congestionē succrescit, sed tenuiore parte resoluta siccescit impingiturq. visceribus, ac tandem acrem malignamq. qualitatem contrahens, ipsorum substantiam labefactat. Hinc profectò curata Lue lienis scirrhus comparet vel iecoris tensio: hinc & herpes sæpius in manibus, nonnumquā & in aliis corporis sedibus maligni erumpunt: qui non nisi longa viscerum deterfione, humectatione & refrigeratione mitescūt. Cōtrario errore tenentur, qui partibus externis iam impactam crassam lentamq. materiam, aluum ducentibus, aut vomitoriis medicamentis validioribus reuocare contendunt, atq. ita luem curare Veneream. Hi certè vētriculum & viscera omnia grauiter offendūt, ac multis symptomatis nullo pæne vsu laborantem conuellunt, eiusq. vires adeò prosterunt, vt nequeat postea propriam curationis viam perficere. Neq. igitur, quæ in primis est corporis sedibus humorum illu-

E s

uiem

uiem per vrinas, aut sudores euacuare, neq. quod externis partibus tenaciùs iam inhæsit, per aluum reuocare tentādum, sed Hippocrati auscultandum, Quæ ducere oportet; per loca conferentia, quò natura vergit, ducere monenti. At verò si per vniuersum corpus fusa iam sparsaq. erit cacochymia, quæ tamen à visceribus prodierit: non modò ante Luis curationem primæ ac secundæ corporis sedes iustis purgationibus identidē repetitis detergendæ erunt, ac omni illuue liberandæ; sed & per totam curationem, ne quæ in affectis visceribus denuo succrescant sordes, diligenter prouidendum. Nam si bene habiti (vt rectè censuit Alexāder Aphrodisæus) famelices solito cibi vsu prætermisso bilescunt, & materiam congerunt acriorem; multo certè magis, quibus viscera latenti vitio & prima affectione laborāt, per inediam alimenti portionem corrumpent. Itaq. purgatione, quod sic quotidie cumulantur, extrahetur, vt vacuū maneat ægri corpus, tutiorq. sit alterius affectus curatio. Cōsiderāda & consuetudo. Hęc enim nec sanis nec ægris repentē mutari potest sine discrimine. oportet igitur ad insueta paulatim transire. Vidēdum &, quod anni tempus sit, quæ

quæ regio, quæ ambientis aëris cōditio. Hæc enim si ad calidum declinârint; blandioribus agendum esse suadēt: si verò ad frigidū, validioribus. Ætas quoq. puerilis & senilis eandem indicationem præbent, ceteræ contrariam. Sed & symptomata graua cū superuenerint, si vires ademerint, curationis ordinem peruertent, dum leniantur.

Alia Luis curande ratio, sed minus perfecta.

CAPVT IX.

QVAM paulò ante proposuimus curâ-
di rationem, quæ argēti viui inunctione fit,
cū inefficacem & parum tutam multorū
periculo experti essent maiores; aliam ten-
tare aggressi sunt. Itaq. purgabant validè se-
pius: Deinde quibus competebat, sanguinē
mittebant: mox reliquias idoneis syrupis
præparabant: quas postea purgationibus idē-
tidem repetitis exhauriebant: ita Luis radi-
cē multiplici præparatione mitigatā penitus
euelli citra vllam virium iacturam aut cor-
poris noxam sperantes. Hæc quidem cura-
tio si vitium recens contractum sit, solusq.
spiritus aut humor cōtaminatus, interdum
liberat.

liberat. at certè, si iam obseſſa eſt partiũ ſubſtantia, impetum quidem & humoris furorem reſſrimit ac mitigat: ſed qui poſtea crudeliũs excādeſcat, ſenſim & clanculum radice altiũs deſixa: ita vt vix vllis remediis inueteratum vitium poſſit extirpari. Hoc igitur lenit, non cauſſam eorum euacuat: differt perniciem, non aufert. Interuenerũt & alij, qui ratione non admodum diſſimili, tenui extenuatẽq. victu & potu ex hebeno, Guaiaco, vel ex ſancta Chynarũ radice corpus abſumũt, humores detergunt, diſſipantq. in vrinas & ſudores. Hinc neceſſe eſt puſtulas & vlcera cum corpore ſiccari & ſaneſcere, tophos præduros incidiatq. diſſolui, ex hiſq. natos dolores miteſcere. At ſymptomata iſtæ putato; morbi verò eſſentiam multo diuerſam, quæ illis abeuntibus etiãnum tamquam radix ſolidarum partiũ ſubſtantiæ firmiũs inhæreſcit. Quocirca tamenſi hæc, quàm ſuperiores multò tutior & efficacior curatio; minimè tamen periculo recidiuæ liberat: cùm præſertim Lues initium præterlapſa ipſam partium ſubſtantiam obſedit. Itaq. quibus remediis, quãq. methodo uſurpatis perfectã compleri poſſit tãti morbi curatio, tradẽdum, vt nos quoq. Chriſtianæ Reip.

Reip. pro viribus consulamus. At quoniam hîc Guaiacû causæ sine qua non, non cōmodè, aut citò perfici queat curatio, locum obtinet; de eius ortu & viribus priùs dicendû.

Guaiaci inuentio, nomen & descriptio.

C A P V T X.

I N S V L A quædam superioribus annis inter nouas terras & antiquis incognitas reperta est, ea parte Americę sita, qua longitudine in Septentrionem desinit. huic Spangiola à repertore Hispano nomen inditum est. Illius insulæ accolis omnibus Luë quandam, Venereæ hîc grassantis persimilem, aliquando familiarē esse, & endemiā, quemadmodum exanthemata & ecphymata hîc nobis, litteris prodiderunt.

Huius Luis vnicum remedium illis est ligni cuiusdam decoctû. Quod cum animaduertisset nobilis quidam Hispanus, illic Gallico morbo, quem in Hispania contraxerat, diutiùs & immaniùs distortus, eadem Medicina vsus feliciter conualuit. Cuius idcirco vsus postea in Hispanias attrulit, primum anxius ne non trās mare, qualis in Insula, esset eius effectus. Nomen ei ligno fecerunt

cerunt Guaiacum, quod cum hiatu Huiacū
pronunciant insulares. Aiunt crescere, qua
apud nos fraxinus proceritate, arborem te-
retem: folia habere plantaginis, nervosa, sed
minora ac rotundiora & duriora, ac nūces
gignere castanearum forma. Cortex huius
cū ad nos peruenit, colore cinericeo, haud
ita densus, sed immodicē durus. Color, qui
buxeo ligno, externæ parti, nigrescens inter-
næ, quā medullam dicunt. Ponderus ei, quale
nulli præterea ligno. Nulla eius quammi-
nima pars in aqua fluitat, sed mergitur con-
tinuò & subsidit. Duritiæ robur omne supe-
rat, & idcirco quamminimè hiāt; neq. faciliè
videas, quòd rimas traxerit. Vritur ac inflā-
matur odore suavi. ab accenso gummi pro-
fluit subnigrum, & prædurum, vbi refrixerit.
Huius ligni sapor subamarus, miti acrimo-
nia palatum ac fauces compungens: qui se-
mel cognitus numquam errare in digno-
scendo sinit emptorem; vt neq. odor. Huius
ligni quamquam vna est species, varij tamē
ad nos mittuntur trūci, alij crassiores ab ar-
bore, alij minores, vbiq. ferè albicantes à ra-
mis decisi. Præferendum quod recens satis,
non vetus aut cariosum existit, cui cortex
proximè adhæret: quod quamplurimū ni-
gri

gri habet, & veluti lineis quibusdam colore fusco per longū intersectū est: quod quammaximè pinguescit, & pondere valet: Eius enim senecta leuitas est, & macredo. Fallitur itaq. Manardus ligni huius differētias constituens: truncos enim albicantes & prorsus buxeos acriores & odoratiores, atq. idcirco valentiores esse colligit: aliisq. parte nigricantibus interna præferret, nisi decoctū redderēt & aspectu turpius & gustu insuauius. Est enim lignum illud omnino buxeū pæne inodorū & inefficax, redditq. decoctū clarū & limpidū, nulla acrimonia fauces mordicās, sed vt cortex amarore molestū. At quod intus multum nigri obtinet, vt odoratius & acrius, ita decoctum facit albidius, & minimè lucidum, plurimam enim obtinet resinam, quæ aquæ incocta turbidam illam albidamq. reddit. Sed & rationi consentaneū est, arbori quàm ramis maiorem esse vim: & quanto trūcus quisq. radici est propinquior, tanto præstantiorem esse: ac rursus qui ab arbore nec senio marcescente, nec recēs orta decidūt rami, iis qui à modò natis aut senescentibus, multò esse præstantiores & efficaciores. Præcipiunt nonnulli fugiendum esse vsum eius, cuius trunci afferuntur

ma-

magni , & valdè crassi , vbiq. nigri. id enim contingere senescentibus arboribus, vt succo destitutæ paulatim nigrescant. At verò cum omnes eos truncos experiundi gratia sæpius dissecuissem, ac nō modò gūmi multis locis concretum deprehendissem, sed etiam è ligno accenso profluere vidissem; eius decoctum vsurpare cœpi, quod vt maximè crassum & albidum, ita omnium efficacissimum longa experientia deprehendi. Quocirca hoc ego vel natali solo, vel arboris parte, non solo senio ab aliis differre existimo, eiusq. vt maximè succulēti vsum in primis commendo. Iam verò cum in multis insulis reperiatur; nullius tamen litteris certè proditum est, ex qua mittatur præstantius. Video magnam copiam albicantis, quod imbecillius diximus, perexiguam nigri ad nos vehi. Hoc mercatores ab insula Ioanni sacra, illud tum ab insula S. Crucis, tum ab insula S. Dominici adferri asserunt. Itaq. Guaiacū aliud ab alio differt, vel pro arboris parte è qua deciditur, vel pro solo in quo ortum incrementumq. sumpsit, vel certè pro ætate.

Guaiac.

Guaiaci vires.

CAPVT XI.

C V M medicamentum vnumquodq. calidum aut frigidum, humidum aut siccum ad corpus humanum dicatur; quòd ipsum per se ac semper calefaciat, refrigeret, humectet, aut siccet: Guaiacum temperamento calidum & siccum existimandum est. Si quis enim ramentum aut puluerem diutius mandat; caliditatem quandam percipiet, acrimoniae participem. quin & externa vlcera, si eius decocto, aut bullientis spuma illinantur; diu postea calor, & acrimonia quaedam sentietur. huic opinioni subscribunt odor & sapor. Nam vt auctor est Galen. 11. Simplic. cap. v. odorata omnia calida esse certum est. fit enim, vt scripsit Aristoteles, à vaporatone odor seu exhalatione quapiam: quorum vtrumque caliditatem arguit. Hec autem cum temperata sint & mitia; temperatam & mitem caliditatem declarant, quæ secundi ordinis initium non transscendat. Est enim secundo ordine calidum, frigidum, humidum, siccum medicamentum; quod manifestè suam qualitatem imprimit: primo verò, quod obscure. Non tamen vt quibus

F bus

busdam placet, siccitas in eo obscura est, ut in primo ordine subsistat. quin potius secundi finem assequi ex manifestis morborum humidorum curationibus opinor. Quamquam verò Guaiacum calidum deprehenditur & siccum; est tamē humiditatis cuiusdam particeps, maximè parte interiore nigra, præpingui, & resinacea, quæ viscerum & partium solidarum humidum primogeniū conseruat & alit. ventremq; lubricum facit, præterquā dū sudores promouetur. Quod si cuiquā mirū videatur, veteres consulat artis proceres, qui medicamentū vnū & simplex pluribus interdū, iisq. planè contrariis polle re facultatibus experti sunt, ut excalfaciēdi, refrigerādi, aut exsiccandi & humectādi, aut tenuiū partium & crassarum, &c. Et nisi primæ illæ & efficacissimæ qualitates ita in vno medicamento confunderentur: haud sanè quæ ex illis oriuntur, secūdæ similiter complicatæ forent. Iam verò materia Guaiaco eiusq; cortici inest valdè tenuium partium: cuius vi ac sua temperie præstantissima edit opera. Hinc enim crassa incidit & attenuat, lēta deterget, obstructa aperit & liberat, sudores prouocat, vrinas ciet, sputa adiuuat, stomachum præhumidum, nauseabundum &

& resolutum sua ficcitate astrictionis particeps exsiccat & corroborat, vt & alia omnia viscera: oris malum odorem tollit: diuturnas & inueteratas iecoris & lienis obstructions, icterum, hydropem, aliaq. vitia ex iis nata curat: omnium corporis partium superfluos humores frigidos dissipat atq. absumit. capitis distillationes omnes exhaurit, ex iisque natos dolores tollit: anginam notham, podagram, chiragram, ischiada, omnemq. arthritim mirè iuuat: asthmaticos, paralyticos, stupidos, & quouis modo resolutos curat. Neruorum affectionibus omnibus subuenit. tumores omnes frigidos & duros ad suppurationem perducit. vlcera cacoëthea & Chironia sistit, exsiccat, & cicatrice obducit: Luis pustulas, tubercula, vlceraq. omnia, atq. omnes ex iis natos dolores, aliaq. symptomata nulla corporis noxa nullaq. virium iactura paulatim cohibet & tollit. Vt non abs re lignum hoc Guaiacum ob admirabiles in hoc morbo percurando proprietates Sanctum à multis dictū sit. Vt autem cortex ligno aliquanto acrior & amarior gustuprehenditur, ita maiorem vim siccandi ac sudores promouendi obtinet: præstantiorq. & efficacior in siccando, & tenuan-

F 2

nuando haberetur; nisi iecori calida & sicca
intemperie laboranti & febricitanti mul-
tum esset noxius.

Guaiaci preparatio.

C A P V T X I I.

L I G N V M oportet lima in scobem pla-
nè ac puluerem redigere, quo penetratu sit
facilior, & melius eius excoquatur vis. Non-
nulli ad tornum in frusta quantumvis pu-
silla comminuunt. quod vt inefficacius est;
ita limpidius reddit decoctum. Húc pulue-
rem pondere selibræ in aquæ fontanæ aut
fluuiæ libris v. i. diem vnum macerare o-
portet: deinde percoquere lento igne, leni
vapore, in fictili olla noua, plumbo intus illi-
ta, & diligenter prius elota, ad prunam, dum
ad libras duas sese imminuat, magna cura
& attēta custodia, ne nimio calore ebulliat,
néve exæstuet, aut efferueat. Nā si quid ex-
undauerit; multum de vi & efficacia perit,
minusq. efficax reliquum existit. ob idq. ad
flamman coqui non debet: & prunā quoq.
modicam petit; atq. ollam quæ non replea-
tur, sed cuius quarta pars ad minimum va-
cet: quæq. perpetuò sit cooperculata, nequid
virium

virium exspiret. Sunt qui ad dimidias tantū percoquūt partes. Sed ego illud certè decoctum magis probo, quod ad ignem diutiùs fuit, & quod à multo ligno paucum peruenit. Ita vt suadeam ad morbos inueteratos ad quartam etiam partem decoquere, modò nulla obsit calidior hepatis intemperies. Sic decoctum perfrigerari finendum, dum scobs desideat: dein percolare & in vitreum vas defundere oportet: in quo diligēter obstructo cōseruetur ad vsum. Hoc primū decoctū alij Guaiaci cremorē appellant; alij ferapiū. Color huic decocto est, qui aquę ex limo minimū turbata. Sapor gustanti subacidus, initio quidem ingratus, sed paulatim assuescenti iucundus. Nonnulli ex relictā denuo scobe cum libris v i. aut v i i i. aquæ quandam quasi loram percoquunt ad libras i i i i. aut v i. Hoc tenue percolatum ad cibum potui dant: cū prius medicinæ loco forbeatur. Ego verò puluerē nouum Guaiaci pondere sēlibræ in libris decem aquæ tepidæ horis x v. maceratū ad prunas decoquo, dum ad libras v i i. redigantur. Hoc non modò alit & humectat, sed etiam medicatæ cuiusdam est virtutis particeps; vt idcirco in pastu & extra pastum quantum-

F 3 liber

libet tutò concedi possit.

Acerba hoc loco inter Medicos de Guaia-
ci natura & viribus exorta quæstio est : aliis
quidem eius solius vsu luem Veneream pe-
nitus exstingui, nec aliorum medicamento-
rum mistionem ipsum sustinere ; quin de vi
& efficacia deperdat : aliis contrà eius imbe-
cillas vires aliorum validiorum mistione in-
tendi augeri que, & quod eius naturæ deest,
id aliorum admistione suppleri contendenti-
bus ; si perfecta Luis , eius vsu exspectatur
curatio. Ego verò opinionem indefinitè pro-
latam falsi insimulo . Neq. enim ita per se
efficax existit Guaiaci decoctum, vt nullius
alterius præsidij ope Luem percuret Vene-
ream : neq. ita imbecillum, vt non nisi alio-
rum mistione vires habeat . Cùm ergo eius
quidē solius vsu absumptis humoribus Luis
symptomata omnia cohibeantur ; vis tamen
& qualitas partibus iam insidens eodem pe-
nitus decocto exstingui delerive nequit ; nisi
cū eo aliquod incoquatur alexipharmacum,
aut eius præmittatur, misceaturve decocto.
Itaq. si solius Luis suscipitur curatio ; solius
Guaiaci decoctum ad sudores promouēdos,
cohibendaq. eius omnia symptomata satis
esse profiteor. cui tamen ad exstinguendam
laten-

latētis veneni perniciem, impediendāq. recidiuam, nostrum Alexipharmacū, qua ratione mox dicemus, adiungetur. Nisi fortē pauca quēdam incoquere placet, quę ipsum iucundius reddant, cuiusmodi sunt vuę paf-
fæ in primis & glycyrrhiza. Quod si quis cum eo ingentem tot simplicium medicamentorum sarcinam decoquere iubeat; eius sæpe vim & efficaciam ita obtundet, vt opratus minimē succedat effectus. Nō enim bene illi cum omnibus conuenit: sed habēt nonnulla certam inter se repugnantia medicamenta. quam nisi Medicus longo vsu & experientia agnouerit, vnus interdū permissione, multorum sæpe egregias vires obtūdet, & effectus cohibebit. At verò si Lues in corpus inciderit vel asthma vel arthritide, vel iecoris aut lienis inueterata obstructione, vel scirrhus, vel certē insigni aliqua intemperie pressum, cuius eadem opera tentanda sit curatio; Guaiaco ea incoquenda erunt medicamenta, quę particulæ laboranti eiusq. affectui sint accommodata. Exempli causa, si annuo asthma lues coniungatur Venerea, multis iisq. diris symptomatis stipata; est vterq. quidem affectus diuturnus & curatu difficilis. sed Lues Venerea tamen

multis dolorib. acerbior. eius itaque curatio, quamprimum fieri poterit, suscipienda est, sed iis admistis Guaiaci decocto medicamentis, quæ asthmatis fontem & scaturiginē exsiccent, ac cerebrum corroborent: Cuiusmodi sunt flores rorismarini, saluæ, betonicæ, stœchados: et quæ pulmones multa pituita crassa ac lenta infarctos & obstructos expediant: Huius ordinis in primis commendantur Enulæ campanæ radix sicca, glycyrrhiza, polypodiū, hyssopus, satureia, scabiosa, vngula caballina, mel; nonnumquam & liquor Cyrenaicus, & styrax calamita, modò iecoris intemperies nō reclamet. Huius decocti vsu lues pariter atq. asthma ita iuari aliquando mihi visa sunt; vt eodē pæne temporis spatio, vtriusq. sequeretur sanatio. Sed sunt interim topica alia multa Lui minimè aduersa remedia ad asthma adferenda. Eiusmodi sunt tum syrupi tum linctus omnes, qui crassa attenuant & incidunt, ac sputa promouent. item quæ extrinsecus capiti admota ipsum exsiccant & corroborāt: cuiusmodi sunt calida omnia, præsertim verò hæc, quæ modò nominauimus. item suffitus. Hic manè & vesperi, in sudoris exitu per nares & os excipiendus. Et vt paucis perfrin-

stringam, erunt ea semper Guaiaci decocto incoquenda, quæ tum aduersus affectû Lui implicitum vires habere putantur, tû partes primario obsessas corroborarent. Est enim Guaiaci decoctum optimum aliorum omnium, quæ vel illi permiscentur, vel præmittuntur, vehiculum ad solidas partes quasque etiamnum illa deducens.

*Curatio per Guaiacum, & ipsius luis
Venereæ Alexipharmacum.*

C A P V T X I I I.

I N conclauis, hieme præsertim, curatio tentanda, aëri minimè, nedum ventis obnoxio, vbi ignis continuò sit: aut vt in Germania, intra æstuarum tepidû, cuius ostio velû aut tapetes obtendantur intus & foris; ne qui egredietur, aut intrabit, aërem frigidiorum intromittat. Melius est enim corporis spiracula laxa habere & patefacta, quo virus vndiq. exspiret. Æstate est hæc cautio noxia, nedum superuacua. Primo statim die aluus ducetur medicina purgatoria, quæ ad eximendâ noxij humoris in corpore exsuperantis portionẽ dicata sit: ne is postea remediis concitatus curationem coeptâ interturbet.

F 5

Con-

Concinnetur autem ferè eiusmodi, vt ad
coërcendam grassantem veneni perniciem
apta sit. Postridie purgationis aperienda est
vena mediana aut basilica, maximè si plenū
& succulentū sit corpus, aut aliqua venarū
plenitudine pressum. Hinc opus auspicari
sic licet in hunc modum. Prius illud & va-
lentius decoctum bis die propinetur tepidū
ad cyathum vnum; manè quidem ad quin-
tam; vesperi ad quartam aut quintam. Por-
rò Cyathum voco 3 vi. quamquam dimidiū
libræ commodè datur. Hausto Guaiaci de-
cocto interquiescendum horis aliquot: & tā
diu stragulis munitum & contectum esse
oportet, dū caloris ope digesto in artus me-
dicamento noxium exsudet æger. Cumq̃.
alij hausto potu statim sudoribus diffluant;
alij nō nisi post duas trēve horas; nemo pos-
sit certum sudoris excipiendi tempus præfi-
nire. Constat tamen quib. ab hausta portione
sudores mox erumpunt; citius detergendos
esse & calidis linteis extergēdos, ne vires la-
bascant. Qui contrā verò, tardiū. Sudandū
ergo erit, quamdiu vires ferre poterunt: &
cū deficere sentientur, etiamsi vix parum
quid eruperit, subsistendum. ac resiccato
corpore & venis concidentibus è lecto sur-
gere,

gere, & ad cibum se præparare par est. bis enim die cibus est exhibendus, manè quidē post quartam à sumpto poculo horā, ad nonam, vel iuxta horam; vesperi ad septimam. sitq. is quidē satis tenuis & exiguus sed boni succi. nam inanem in primis ventrē querit hoc medicamentum. itaq. qui celerrimè sanescere cupiunt, cibum sumunt, non qui vires augeat, sed deficere qui non sinat. Neque periculum metui debet. siquidē vis tanta inest Guaiaco reficiendi alendiq. ut nullus hactenus defecerit, quantumcumq. parum ederet; qui eius cremore fideliter præparato vteretur. Sit autem cibus assus potius quàm elixus; pulli scilicet colūbini aut galinacei adhuc molliusculi, magnitudinē nō excedentes. Non ignoro alios esse, qui carnes omnes ablegant; solum biscoctum panē ad ʒ ij. cum vuis passis Corinthiensibus aut Damascenis concedentes. quod ut inueterato morbo & altius fixo interdum concedi potest; ita in recenti minimè necessariū est. Sed hi solis resiccantibus lue in Veneream curare contendunt: nos alexipharmaco malignitatem exstinguimus & cohibemus. Panis verò quatuor ʒ, deliciarioribus, validioribus sex, non amplius in diem scilicet concedantur.

dantur. bellariorum loco sint passule & modicum panis nautici biscocti aut ad ignē exsiccati, aut etiam intermedia panis crustula. Potus erit supradictum aquosius alterum Guaiaci decoctum. Vinum ne delibare quidem oportet toto curationis decursu. tale enim huic ligno est vinum, quale cicute: cum qua si hauseris; nullo remedio restitui possis. Nonnulli cenæ tempus circumcidendum volunt, & ad meridiem tantum reficiendū. ego verò vix bis die sudoribus tutò corpus exerceri diu posse existimo, nisi cibus aliquis interueniat, qui vires dissolutas recreet & reficiat. Alij non ante cenam, sed tribus horis ab ea hausto decocto sudores prouocant, crudum aut semicoctum cibū in totius corporis partes malè deficientes. Porro inter vtrumq. pastum legendis iucundis rebus, aut familiarium gratis colloquiis, aut lepidis confabulationibus, aut cantorū vel citharædorū modulationib. aut alio deniq. aliquo cōsuetolusu oblectamenta quærenda. Omnia verò negotia, omnes circumcidendæ grauiorres cogitationes, & ab omni cura conquiescendū. Cauendum & ab iracundia, quæ biliosas in primis materias accedit. Sed & Venerem tamquam pestem fugere oportet. Iā verò

verò si haustu Guaiaci sudores non facile
proliciantur; vtres aqua calente pleni, vel la-
pides candentes, vel titiones in vino exstin-
cti, pedum plantis & genibus admouēdi. ita
enim tepente calore fusus liquatusq. frigi-
dus & crassus humor in extima corporis di-
gestus facilius in sudores abibit. Sed & hau-
sto validiore Guaiaci decocto sacculi sequē-
tes calidissimè admoueantur capitis exter-
næ parti; totumq. caput linteis calidis dili-
genter superintegendum est, ne aërem fri-
gidiorē sentiat: idq. præsertim cum dolo-
re caput obsidetur. Non enim in parte frigi-
da collectus vitiosus humor decocti benefi-
cio in sudores facile resoluetur; nisi exter-
norum præsidiorum ope incalescat. Sudore
quantum vires ferre possunt effuso; linteis
calidis exstergendum exsiccādumq. corpus
est, & lenibus frictionibus, quod in partibus
extimis hæsit, dissipandum. Sed & in primis
calidis linteis aut pannis exercendum caput
est, aut etiam calentibus sacculis perfrican-
dum. Seruetur alius toto curationis tēpore
quātenerrima. Itaq. si spōte sua nō fluet; vel
Senna carniū iusculo, vel decocto matutino
validiori incoquenda, vel certè cassiæ fistu-
laris semiuncia alternis diebus pastus initio
voran-

voranda. Hæc enim præterquam quòd ventrem inanem reddunt, quæ in ventriculo & hepatis cauis & in liene iamdiu fortasse delitescebant, detergūt & expurgant. Sed nihilominus in sextū aut iuxta curationis diē sæpe fit, vt incidentis & attenuantis decocti vsu vitiosi humores concitati non modò cōfuetos artuum aut capitis dolores crudeliores reddant; sed alia quoq. varia, in qua inhaerent pro partis conditione symptomata proferant: vt in os quidem ventriculi incidentes, nauseam, inappetentiam, interdum propter malignitatem syncopas cardiacas; in pulmones verò tusses, initio inanes & siccas, sed tādē incrassatō humore humidas. In thoracis partes externas, si liquefactus humor est, aut à capitis externis partibus influat; nouos dolores omnium atrocissimos, ac spirandi difficultatem, sine febre pleuritim mentiētes inuehit. Si verò è posterioribus partibus capitis per ceruicē in dorsi aut lumborum vertebrae, aut etiam in Ischion illabatur, altiusq. subeat; diris adēd cruciatus laborantem prosternit; vt in peiore res statu videatur esse quàm vmquam. Hæc aliaq. multa curationi huic superuenientia non modò laborantib. spem de salute conceptam

ceptam adimunt, sed & medicos nondum
artis longo usu cōfirmatos de cœpta curan-
di ratione ad aliam transire cogunt. Atq. hîc
mirè gestiunt consores: & dū hydrargyri vim
& efficaciam in celum laudib. efferunt; neq.
Guaiaci decocto neq. vllis aliis remediis vl-
lum vmquam restitutum fuisse impuden-
ter mentiuntur: solum hydrargyrum vim a-
lexipharmaci habere contendūt. At ea certè
Guaiaco vis est, eaq. natura, vt quos initio
impetus agitatiss humoribus cōcitauerit do-
lores, hos tandē iisdem absumptis cohibeat
atq. compescat, si quis eo constāter vtatur.
Itaq. iis imminentib. aut certè iam exortis
purgans medicamentum initio vsurpatum
aut ei simile repetendū; quod humores cō-
citatos & furibundos è toto corpore poten-
ter expurgat, intermisso eo die validiore
decocto. Sed & sexto & septimo quoq. hu-
ius curationis die catharticum aliquod vali-
dum repetendum. Ita enim nō modò quod
Guaiaci decocto sensim attenuatum conci-
tatum fuerit; sed & quod de quotidianis ali-
mentis pro partium vitiosa actione corrup-
pitur & curationem retardat, repentè extra-
hitur; vacuūq. excremētis marcet ægri cor-
pus. Interea quibus perierat appetentia, re-
stitui-

stituitur, aliis post secundam medicinā purgatoriam septimo statim die; aliis non nisi decimo aut decimoquinto. Hæc ratione moderari oportet: & in victus ratione initiū prudenter instituta constanter perseverare. Vnicum ibi solatium est, non videre plures cibos, non videre edentes, & nidorem non sentire. Ad diem huius curationis decimū aut duodecimum corpore bis aut ter iā purgato, liberatis obstructionibus viscerum, totoq. corpore iam aperto & patente, Opiata nostra superioribus remediis adiicienda hūc in modum.

Quotidie manē & vesperi decoctum validius Guaiaci haustus, opiatę sesquidrachmam deuoret. hinc statim prædicti decocti $\frac{3}{4}$ vj. aut vij. superbibat, ac in lecto se ad excipiendos sudores, qua ratione suprapositū est, componat. Huius per octo decemve dies continuandus est vsus, aut etiam diutius, dū veneni radix sit euulsa, prorsusq. extincta eius pernicies. quod quoniam fit aliàs breuiore temporis spatio, aliàs ferius pro veneni cōditione, & affectionis diuturnitate, tutius omnino est paulo vltra progredi, quàm infra subsistere. Itaq. si quis perfectissimè liberari cupit; hieme aut cēlo frigidiorē & aqui-
lonio,

lonio, conclaue vbi ipse cubat, non excedat, priusquam omnis in totum morbus sit abactus, & restituta valetudo. Sed & sedatis doloribus, omnibusq; symptomatis superiorum remediorum vsu sublatis; ne quid altius demersum non prorsus extinctum, denuo se prodatur: perutile sit laconicum adire exquisitè paratū, in quo sudores sumpto in ingressu Guaiaci decocto cum opiata, dies aliquot promoueantur pro viribus: in eius verò exitu, dum in lecto rursus ad sudores excipiendos se componet; Aquæ nostræ ad omnia venena sanè quàm efficacis, ʒ v. haurire. Hæc vbi iam septem octo ve dies aut amplius pro affectionis diuturnitate & sui ipsius natura, ac viribus pertulerit; sumendum iterum erit quod purget medicamentum, atq. ab eo quatuor sexue diebus in pastu aquosum bibendum decoctum omisso fortiore. post ad pristinam viuendi rationem paullatim redeat, ac exire incipiat, sed cautè & longius ac longius, nec in apertum statim; sed primum intra parietes, & de vno coenaculo in aliud inambulandum: deinde ad vicinam aliquam nec longius domum, donec aërem ferre assuescat. Nihil enim hîc repentè fieri aut mutari debet, sed omnibus paullatim

G

assues-

assuescendum. Alij viginti, alij triginta dies
satis esse putant, quibus concludatur æger.
sed secundarium decoctum minimum dies
quindecim bibat valdè dilutū. Ita sanè esse
in recens affectis comperio. quos cū quin-
decim, aut ad summum viginti dies in cu-
biculo continui; exire sino, & ad consuetam
viuendi rationem paulatim redire; vlceribus
etiam nondum cicatrice obductis, nec ma-
culis prorsum extinctis: quæ tamen postea
paulatim exsiccantur, euanescentq. omnia,
idq. hieme. Nam æstate & temperato cælo
domi laborâtes continere superuacuū puto:
quin & deterfis sudoribus matutinis sum-
ptoq. cibo vel foris inambulare, vel quoti-
dianis muniis vacare permitto, dum ad ve-
spertinos sit redeundū. ac nihilominus per-
fectè curantur. tanta est opiata vis atq. effi-
cacia. At verò cū vel minimū huius Luis
fermentum aliquando diu consopitum in-
tusq. delitescens recidiuam haud rarò inue-
hat: quādiu vel tubercula, vel vlcera, vel ma-
culæ, vel dolores supersunt; tamdiu profectò
suspecta esse medico debet futura valetudo.
Eam ob rem si quis existimationem integrā
tueri, & nominis famā præclaris curationib.
extendere contēdit; remedium vsum mi-
nimè

nimè intermittat, dum omnem Luis sobolè
radicitus extirpauerit, tantiq. ac tam crude-
lis tyrāni omnia vestigia deleuerit. Quòd si
fortè vel cubantis intemperantia, vel exo-
leti ligni infirmitate quippiam aliquādo re-
uirescat, recurratq. post aliquot menses aut
annos; simulatq. hoc deprehensum fuerit; ean-
dē omnino sua serim subire curandi rationē;
dum nihil prorsus superfit. neq. igitur dierū
numerus, neq. ligni & opiatae pondus vten-
dū certò definiri potest. Recēs inquinati sēpe
x v. aut x x. diebus perfectè liberātur. vtun-
tur ligni pōdere sex, septem, octōve ad sum-
mum librarum: opiatae 3 iij. aut paulo am-
plius. At qui morbi diuturnitate extenuati
sunt, & doloribus ac nodosis turberculis iam
obsessi, vix quadraginta aut quinquaginta
diebus euadūt. Ligni lb. x v. aut x x. aut vl-
trā insumunt: opiatae 3 iij. aut iiij. Qui sæ-
pius etiam fuerunt peruncti, omnium diffi-
cillimè, & vix vñquam in totum liberātur;
duplici de causa: quòd & ea sit hydrargyri
vis & proprietas, vt qui eo fuerunt peruncti;
aliorum remediorum vires vix sentiant: &
quòd etiam morbi huius causam altius illa
in corpus impingant. Metuunt ac verentur
nonnulli cūm gracile & ficcum corpus aut

morbi diuturnitate ex sanguine & ex arefactu
occurrit; viribus ne destituatur in hac cura-
tione, aut etiam in hecticam tandem conii-
ciatur vel corporis atrophiam: ob idq. parū
quid satis esse putant, cui vis morbi cedere
possit, dum vires recreentur. At certē multo-
rum fide & experientia comprobatum est;
hac victus observatione siccos humescere
& macros pinguescere. estq. huius cremoris
natura, neminē destitui vt sinat. Quare etiā
infirmis non minus, sed aliquanto etiā
plus dandum est, quia nihil cum impetu fa-
cit; cū eius iuuamentum sit paulatim fa-
nare. In his tamen aut nulli aut parcē mo-
uendi sunt sudores, dum vires paulatim hu-
ius decocti beneficio receperint. Interim ni-
si vlcera & vulnera sint, nihil foris illinitur:
His verò si exigua sint, neq. vnguentū neq.
aliud quid imponendum: sed expectādum;
dum extincta mali radice sponte siccescāt.
Sin aliū serpūt, sordidioraq. sunt; aqua no-
stra planē diuina bis tēre quotidie abluan-
tur, carpinatumq. gossypium in ea macera-
tum imponatur vlceris cauo. Hæc non mo-
dò mirificè deterget, & siccat, serpentemq.
malignā putredinē arcet & cohibet, sed etiā
quidquid in vlceris cauo durū est, paulatim
ma-

maturat & in pus deducit. vlcus dein carne replet & tandē cicatrice obducit, vt multorū vnguentorū vice meritò vsurpari possit.

Luis aliis affectibus implicata curatio.

CAPVT XIV.

CVRATIONEM Luis Venereæ simplicis recens aut non ita pridem contractæ, quam breuissimè licuit, perstrinximus. Nūc cum plures cum ea concurrant & implicentur morbi; aut iamdiu inueterata est, quæ nā tenenda curandi methodus, tradendū. Lues Venerea morbis quibuscumq. componitur ac complicatur: interdum omnino consentit atq. congruit; interdum dissentit. Consentit, cum eius curatio aliis quoq. sanandis conducit, aut nihil saltem obest. Dissentit, cum eius curatio alteri incommodat moramque adfert. Lui consentiunt Arthritis omnis, & dolores externarum partium omnes à capitis distillatione; intemperies ventriculi aut iecoris humidior aut frigidior, hincq. nata obstructio, vel etiam hydrops, epilepsia, vel etiā stupor, paralyfis, aliq. cōplures ab humida & frigida causa etiamnum præsentē contracti. Hos itaq. & simul cum Lue & seorsum sanare licet. Cumq. id

G 3 ten-

tentare libet; ab vrgentiore semper incipere iubemur, altero tamen, quoad fieri licet, minimè neglecto. Dissentiunt febris omnis, intemperies hepatis calidior & siccior, pso-
ra, lepra, aliaq. omnia scabiei siccae genera: omnis sanguinis siue ex vtero, siue ex ano, siue ex pulmone reiectio, aliiq. affectus cõ-
plures à calida & sicca caussa etiãnum præ-
sente profecti: horum enim legitima cura-
tio legitimis & refrigerãtibz medicamen-
tis perficitur. quorum vsu quoniam Lues fit
deterior multo, eius quoq. & difficilior &
lõgior futura est, quæ calidis & siccis & val-
dè attenuantibus remediis perficitur, cura-
tio. Itaq. cùm horum quispiam acutus &
præceps, vt pleuritis, vel febris ardens Lui
cõplicatur, posthabita Lue, eius statim de-
bet tentari curatio; iis tamen remediis, quæ
quam-minimùm Luis caussam augeant. In
connexis enim affectibus vrgētiori vel præ-
postero ordine in primis est succurrendum:
atque in id quod est grauissimũ, omni cura
& cogitatione primum incumbendum: siue
id ante Luem Veneream & cœptã eius cu-
rationem partum iam erat, siue recens, dum
legitima tentabatur curatio, interuenerit.
Grauissimum porro est vel quod maximè
ægrum

ægrū in vitæ discriminē adducit ; vel de quo is
grauissimè cōqueritur, cuius interdū preci-
bus cedere cogimur. Horū exēpla ponenda.

Non ita pridem tonfor me ad visendum
rusticum quendam bene habitum & qua-
dratum deduxit. qui cū duos iam annos
ab inunctione ex hydrargyro, omni dolore
vacasset, ac omnino restitutus sibi videre-
tur, in recidiuam tamen incidit, qua duos
iam menses crudeliter admodum premeba-
tur. Dolores acerbi tibias & brachia media
obsidebant, atq. ipsas etiam scapulas, noctu
gravius excandescētes: sed omniū grauissi-
mi in capitis externa parte figebātur: in qua
etiam aliquid circa pericranium occalluisse
plurimis in locis deprehendebatur. fauces
quoq. ingens vlcus ad palati basim iamdiu
occupabat sordidum. nihilominus tamē nec
decumbebat, nec sibi fastidio, nec siti pre-
mebatur, sed muniis omnibus pro more va-
cabat; dū superueniente inopinata deglutiē-
di difficultate, & viribus repētē concidenti-
bus in lecto manere coactus est. in quo eum
deprehendi languidum cū pulsu frequenti
& celeri, febre teneri, ac maxima difficulta-
te non modò deglutiendi bibendiq̃ue, sed
etiam loquendi: nihil interim tumoris fo-

ris in faucibus, vt neq. intus in amygdalis
apparente. Quis non hîc agnoscat periculo-
sam anginam Luis recidiuæ implicitam,
omni celeritate accômodatis remediis, Lue
etiâ neglecta curandam? At imperitus ton-
for moræ impatiens, lucro inhiâs, omnia de-
glutiendi symptomata ad fauciu vlcus per-
tinere credens, statim me inscio suis seruis
inungendum aut potius miserè iugulandû
ægrum commisit. Itaq. vnguento proritata
fluxione noua, biduo exstinguitur. Haud
mitius cum aliis multis agitur Lue Venerea
correptis, si vel febris adsit continua, vel etiâ
grauis morbus aliquis, cuius postponatur
curatio.

Familiaris quidâ meus annos natus xxxv.
quater aut quinquies in anno diris cruciati-
bus spinam dorsi à scapulis ad finem lum-
borum obsidētibus, & nonnumquâ Ischia-
de solebat torqueri sine febre, sine vlla spi-
randi aut meiendi difficultate, sine vomitio-
ne, idq. à maligna quadâ distillatione, Luis
naturam, qua olim inunctione fuerat cura-
tus, resipiente. Hic cum sæpius à nobis fuisset
his doloribus liberatus, iteratis purgatio-
nibus, vnguentis, & solis anodynis primûm,
deinde resoluentibus & roborâtibus, ac de-
mum

num recreatis viribus æstuariis ac fotibus
ficcis capiti admotis;recurreretq̃. nihilomi-
nus dolor consuetus;atrocis tandē Chirurgi
industriam experiri cogitauit,nū fortè horū
dolorum radicem penitus eximere posset,
ac recidiuæ periculo liberare. Hic dolorem
crudelissimum ad lumborum regionē per-
tinentem nephriticum esse ratus; languidū
iam ægrum quatuor iam dies noctesq̃. in-
somnia in balneum præcipitat aquæ dul-
cis calidioris.ibiq̃. morari diu iubet. quod il-
le doloris crudelissimi leniēdi spe fretus ex-
equitur; dum resolutis spiritibus ac defecto
præ virium inopia corde, mori se non senti-
ret. Rectè quidem hic properabat dolori vt
crudelissimo symptomati vires frangenti
corporis gubernatrices neglecto etiā mor-
bo succurrere. Hoc enim præstabilius,quàm
vrgentioris ferocia sinere prosterni egrotan-
tis vires, quarum gratia curatio instituitur.
Nam quamquam sublato morbo sympto-
mata protinus vanescunt, neq. vsquam pos-
sint in corpore sola subsistere; si tamē grauiā
adeò infestaq̃. sunt, vt periculum sit, ne an-
tequam dematur morbus, violētia aut per-
niciē iugulent;lenienda protinus,ipsaq̃. me-
dendi methodus inuertenda. At ibi tamen

G 5

pecca-

peccatum grauitate est. Est enim terminus numquam pretereundus medico, qui ex arte generose contra morbum quempiam pugnare contendit, constitutus, ut tuto medietur ei cui dolorem mitigat, ut vires custodiat, per ea scilicet, quæ virium robur tuentur atq. conferuant symptomata leniendo, quo & morbo resistere & curationis spatium sufficere possint. Iam verò si Lue complicatus dissidentaneus affectus diuturnus & lentus est, cuius nequeat statim curatio perfici, & à quo etiamnum aliquando neglecto minus quam à Lue impendeat periculi, eo posthabito lues curanda periculosior, iis tamen remediis, quæ contrario & dissentienti morbo quam-minimum obsint. At si æquè graues & periculosi existunt; non huic aut illi prorsus, sed vtriq. mediocritate quadam & remedium contrariorum temperatione eadem opera succurrendum.

Esto itaq. nobis occurrat quispiam annorum xx v. Lue Venerea contaminatus: cui corpus sit siccum & aridum, variis febribus biliosis obnoxium volæ inanuum plantæq. pedum impendiò sæpe caleant: os amarore perfusum sit, atq. perpetuò aridum, vnde cibi inappetens & siticulosus euadat. Lue Veneream

nerēā si quis remediis descriptis curare ag-
gredietur, aliis affectibus neglectis, in certū
vitæ discrimē ægrum adducet. Etenim ma-
nifesta hæc viscerum intemperies calida &
sicca refrigerari & humectari postulat, fer-
uato robore: Lues verò contracta, non nisi
attenuantibus & resoluentibus, quæ omnia
ferè siccāt et excalfaciunt, curari debet. Itaq.
summa methodo opus est, quæ eodem tem-
pore remediorum contrariorum permistio-
ne, vtriusq. affectus curationem perficiat: vt
increſcenti phlegmonæ digerentia remedia
reprimentibus permista adhibemus. Victus
instituitur non omnino siccans, aut tenuis,
vt in curatione legitima; sed quodammodo
humectās et refrigerās: in quo per initia loco
Guaiaci sola in potu vtatur ptisana. In cibo
conuenient non modò pulli columbini aut
gallinacei, aliæve carnes coctu faciles, assæ in
succo oxalidis aut mali granati aut aurancij
maceratæ, sed etiam elixæ. atq. etiam inter-
dum ex iis paratæ sorbitiones refrigerantes,
aut etiam hordeatum. Æger quoq. non se-
mel tantū die aut bis, sed ter quaterve co-
piosiùs alendus. Soluenda primo statim die
erit aluus medicamento è Catholico: aut si
magis arrideat, per cassiam fistulam; aut per
apo-

apozema aliquod in duos matutinos hau-
stus alternos ex decocto aperiente, incidēte,
detergente & refrigerante comparatum cū
Senna & agarico. Hæc enim omnia quoniā
purgando humectant, pariter & refrigerant,
idcirco sanè viscerum siccitatem & calorē
emendant immodicum, non tantum quod
humores acres biliososq. expurgent, sed etiā
propria vi & insita facultate. Rhabarbarum
sola siccitate noxium est, multoq. magis,
quæcumq. vehementiore aliqua siccandi &
excalfaciendi vi pollent, vt scammonium,
colocynthis, aloë. Postridie purgationis apo-
zema bis die vsurpandum ad materiæ præ-
parationem paretur. Repurgato bis aut ter
alternis diebus corpore mittendus sanguis
est, pro plenitudinis & virium ratione. Ita
enim non modò viscera totumq. corpus re-
frigeratur, sed plenitudinis etiā pericula, quæ
aliis attenuantibus resoluentibusq. concita-
ri facilè possent, declinantur. Posteaquam
viscerum impuritati & intemperiei prospe-
ctum erit VII. aut VIII. diebus, refrige-
rantibus his & blandè expurgantibus: pro-
pria Luis remedia adiungenda sunt. Itaq.
ptisanæ loco decoctum Guaiaci hoc modo
præparetur, quo & in pastu & extra pastum
cūm

cūm volet vtatur. Ad sudores quoq. promouendos cōcinnetur etiā validius Guaiaci decoctum, quod longo vsu notauimus non modò non augere calidam & siccam viscerum intemperiem, sed ita etiam humectare, vt quauis ratione extenuatos & macros pinguiore reddat, & omnia symptomata ab intēperie calida & sicca hepatis cōtracta demulceat. Quod in legitima curatione monuimus aluum semper liberam esse oportere; id in hac corporis constitutione maximè curandum, obseruandumq. est: neq. committendum, vt quippiam circum hepar aut lienem aut in ipso etiā meseræo indurescat. Tertio igitur quoque die si ea subsistat; aut etiā, si sponte aliquid deponat, quarto tamē quoq. die, si quid in visceribus iamdiu hærere vel de quotidiano etiam alimento gigni, cumulariq. existimatur; expurgandum vel apozematis suprapositi dosi; vel cassia fistula, vel Catholico: eodemq. die validiore Guaiaci decocto manè saltem abstinendū: nisi in eius ℥ vj. sennæ ℥ ℥. incoquere visum fuerit, idq. percolatum loco apozematis vsurpare ad vtrumq. efficax. Cū iam horum remediorum alternato vsu, toto corpore humorum portio maior absumpta dissipa-

ſipataq̃. fuerit, ac corpus ad opiatæ vſum rectè præparatum: balneum paretur aquæ dulcis tepidæ: in quod ingreſſus æger opiatę iuſtam quantitatem deglutiat, ac mox Guaiaci decoctum ſuperbibat, ibiq̃. deſideat integram horam. In exitu dein ad ſudores pro viribus excipiendos in lecto ſe componat. Balneum præterquam quod è corpore ſicco ſudores copioſiores elicit; partium etiam ſolidarum omnium nedum viſcerum ſiccām & calidam intemperiem ſi quid aliud emēdat, impeditq̃. quo minùs ſudorum eruptione ac moderatè ſiccantium remediorum vſu, quæ ad curationem reliquam neceſſaria ſunt, lædi poſſint. Maximè autem Melancholicis omnibus Lue impeditis conuenit: quos conſtat ſicco eſſe viſcerum & partium ſolidarum temperamento, quod humectari deſiderat. Id itaq̃. vel quotidie vel alternis diebus ſemel ingredi ſiccos & attenuatos, calida & ſicca vel alterutra hepatis intemperie affectos confert. Ad id autem præparentur, qua ratione iam dixi, perſeuerentq̃. dū Lues omnino ſit ſublata, aut certè quādiu opiatæ vſus erit neceſſarius: niſi fortè intermittere aliquot dies adſtantis Medici prudentia aliquando cenſuerit. Quòd ſi fortè per

tè per curationem, iudicatione quapiam repugnante balneum ingredi non licuerit; ea certe absoluta, si qua longo remediorum usu partium temperiei labes iniusta est: ea tepentis balnei usu ad multos dies continuato facile delebitur; nisi vel hydropis vel distillationis cuiusdam consuetæ metus abstinendum exhortetur. Sit autem ut dixi tepidum ex decocto herbarum refrigerantium & humectantium comparatum: in quo, ut neq. in egressu, sudores nec promoueantur, nec excipiantur. Conferet tamen ingredientem sequentis decocti refrigerantis & viscera roborantis ꝓ vi. ebibere, quamdiu assidenti medico videbitur. (*Hoc decoctum in neutro exemplari video descriptum, sed medico ad praxim suam vera arte instructo facile erit simile formare.*)

Curandi modus perfectiss.

CAPVT XV.

IAM verò si neglecta Lues aut imperfectè curata tamdiu in corpore hæsit, ut non modò dolores implacabiles, sed nodos etià complures vel in tibiis vel in capite inuenerit; supraposita quidem curandi methodus tenen-

tenenda est; sed cui alia atq. alia pro laborantium natura & symptomatum varietate validiora remedia accedant. Duos referam à me restitutos, quorum imitatione ceteri curari possint.

Dominus de Mesieres, Prior S. Dionysij à carcere, annos natus x l. corpore mediocriter carnosio & bene habito, Lue correptus Venerea, seniores statim consuluit præclaræ huius vrbs Medicos & Chirurgos. Horum omnium cõmuni consilio atq. consensu repurgato prius corpore ac sanguine misso, hydrargyro accuratè inungitur. Iputatio erumpit v i i. die copiosa: tandemq. aluus etiam sponte resoluitur. quod animaduertentes, qui hunc inungebant Chirurgi, breui adeò curatum iri pollicebãtur, vt iam sibi restitutus videretur, eorum nimirũ omnium usu, quæ ad perfectam per hydrargyrum curationem spectant. Verũ enim uero cùm iam exactis diebus viginti, opis nihil afferretur; reuocati in subsidium Chirurgi, morbi contumaciam arguunt: quæ interdũ nisi iterata simili inunctione compesci aut cohiberi non possit: ad quos accersiti Medici faciliè annuũt. Itaq. eandem, sed tamẽ crudeliorem curationem expertus est: cùm nihilo

hilo magis quàm prima leuaretur. calumniâ
 amolientes Chirurgi, quosdam esse propo-
 fuerunt, qui licet curatione hac non modò
 non liberentur, sed etiam crudeliùs multo,
 quàm priùs crucientur; exacto tamen ab ea
 mense vno atq. altero paulatim postea sa-
 nescunt, hydrargyro partibus solidis admis-
 so morbi causam sensim demoliente, supe-
 ranteq. Quod sibi laborans salutis cupidus
 facile persuasit. Sed cùm totos tres menses
 mustitans nihilo meliùs haberet; ac multi
 præterea scirrhi ac topi in capite, in osse
 crurii, humerorum & brachiorum exorti
 essent diris cruciatibus molesti; Chirurgos
 reuocat: qui vno omnes ore curationem per
 hydrargyrum repetendam putant. Neq. hi
 priùs finem inunctionibus imponunt; quàm
 duodecies duobus annis eandem curationē
 tanto dolore tantisq. cruciatibus sine vlla o-
 pe perpeffus est. Inde siccum adeò & exsan-
 gue corpus euasit, vt in eo nihil præter aridâ
 cutim & ossa superesset, ac τὸ σκελετὸν po-
 tius videretur, quàm viuum corpus. Topi
 interim multi obsederant tiliarum, cruriū,
 brachiorum & capitis ossa diris cruciatibus,
 qui impediunt, quo minùs integro biennio
 somnum inire potuerit. Hos Chirurgi alia-
 H curan-

*viuum
 corpus.*

curandi ratione destituti, cauterio aperire cogitant: ita virus aliquod aperta cute stillaturum sperantes. Itaq. cum duobus in locis, vbi topi crudelius affligebant, nudatum in capite os nigrum cerneretur: ipsum terebello eximunt humoris acrimonia parte iam interna exesum, & veluti terebra omnino perforatum. at cum ne sic quidem dolores remitterent; nec somnum inire posset: emplastris De Vego cum duplicato mercurio hominem per mensem vestiunt. Alij vinum Guaiacinum postea per mensem exhibent: alij etiam balneo ex decocto Guaiaci mergunt: sed omnia nullo auxilio. Itaq. hominem moribundum pro deplorato deserunt, nulla ei medicamenta opem allatura professi. Quam cedo cladis tantæ causam afferent? Cur hydrargyrum, quod Luis alexipharmacum vnicum prædicabant, hunc atrociter adeo diuexatum restituere non potuit? Empiricos credo curationem instituisse dicent. At chirurgi erant huius præclaræ urbis celeberrimi, medicorum etiam multorum adiuti consiliis. nec ægrotus ipse sibi vnumquam defuit. nihil enim ei vnumquam tam durum, tamq. molestum præscriptum est, quod non dicto citius subire voluerit. Nemo à seruis
accu-

accuratiùs vñquam fuit tractatus. Deniq.
non opes, non ætas, non vires, neq. quidquã
aliud illi defuit, quod ad curationem requi-
ri possit. Ratum igitur sit, hydrargyron Luis
non esse antidotum, sed Empiricorũ inuen-
tum, quod tamquam fucum malo adhibet.
neq. à viris bonis & reip. studiosis tam falla-
cem, incertam, atq. adeò crudelem curatio-
nem vñquam tentari debere. Non multò
melius, cùm hæc scriberem actum est cum
huius vrbis medico docto quidem & bene
noto, sed nimis credulo. Hic cum ex impu-
ro concubitu cõtraxisset penis vlcus, ac tan-
dem in Luem Veneream incidisset: quin-
quies crudelem eam curationem frustra tẽ-
tauit. Nodosi tandem tumoribus & diris
cruciatibus in dies inualescentibus prorsum
contabuit, dum dentibus excidentibus, ac
gingiuis putredine absumptis, crudeliter vi-
tam finierit.

Q V A R A T I O N E R E S T I -
T V T V S I L L E S I T.

Cùm aridum corpus lenta etiam febre
contabescere videretur; visum est ægrum a-
lere euchymis & concoctu facilibus, cuius-
modi sunt pulli gallinacei, columbini, perdi-

ces iuniores, dein vitulina caro & hædina, hisq. persimiles aut etiã præstantiores. Sint autem hæc ob corporis ariditatem maciẽq. modò elixa, modò assa. facilius est enim liquidis impleri, reficiq. quàm durioribus. Conueniebat itaq. ex Guaiaci decocto vitulina caro cū pullo gallinaceo diu elixata, circa finẽ adiecta oxalide, boragine, buglosso, portulaca & pimpinella. siquidẽ eorũ expressum ius bis die ad 3 vj. exhibitum, præterquam quod vires promptissimè erigit & sensim instaurat; morbi quoq. caussam mitigat. Ab ea sorbitione, quæ octaua quaq. hora exhibebatur, quippiam assum si poterat, assumebat: tandẽ pro bellariis vuas passas & panem biscoctum. A vino toto curationis decursu abstinendum censuimus, id nimirum verum esse experti, quod iam semel admonui, Guaiaci & aliorũ alexipharmacorum beneficio neminẽ qui vino vtatur facilè posse restitui. Eius loco Guaiaci decoctum, quale in legitima curatione descripsi, tum in pastu, tum in siti extra pastum vsurpabatur: cui inter coquendũ cornu ceruini rasuræ 3 ss. addebatur. Manẽ hora sexta & à prandio hora quarta 3 vj. sequentis decocti exhauriebat; neq. tamẽ sudores, qui
è cor-

è corpore exsanguis & præarido nullis præ-
sidiis elici possunt, expectabat: neq. si erū-
pere potuissent, vires ferendo fuissent.

D E C O C T V M.

℞ rasuræ Guaiaci interioris nigri, odori-
feri, resinacei quart. iij. corticum eiusdē pul-
uerisatorum ℥ j. ℥. infunde in ℥b. vj. aquę te-
pidæ: fiat decoctum addendo rad. elenij, po-
lypodij querni, gran. iuniperi, radicum ci-
chorei añ. ℥ j. passularum enucleatarum ℥ j.
℥. seminum cardui benedicti, radicum tu-
nicæ tormentillæ añ ℥ ℥. pimpinellæ, mor-
sus, scabiosæ añ p. j.

Semel in hebdomade repurgabatur se-
quenti aut simili medicamento: quod licet
languido videri posset validius paulo: si quis
tamen quæ alibi diximus memoria repetat,
corpora nempe quæ hydrargyro fuerunt in-
uncta, duplo validiora medicamenta per-
ferre, nec facilè iis commoueri; aliter iu-
dicabit.

(*Nec hoc auctoris medicamentum purgans
nancisci potui.*)

Hæc dum fiunt, cataplasmata institui ad
scirrhos remolliendos discutiendosq. effica-
cissima huiusmodi.

℞ sem. sinapi in aceto macerati per horas

H 3.

x x.

xx. dein contusi ꝓ ij. radicū bryoniæ crudæ ꝓ ij. radicū figilli beatæ Mariæ crudi ꝓ vj. axungia porcinæ veteris omniū æquale pondus: croci ꝓ ꝑ. malaxentur simul in formam cataplasmatidis pro partibus dolētibus. renouetur semel quotidie, & ad multos dies perseneret.

Fiat & emplastrum nostrum, quod capiti toti quidem insideat per tres aut quatuor hebdomadas, sed ea lege, vt leuetur quotidie semel, dum totum caput oleo nostro efficacissimo obungatur. renouetur verò sexto quoq. die.

EMPLASTRUM.

℞ sem. sinapi per noctē in aceto macerati ꝓ ij. piperis, pyrethri, caryophyllorum añ ꝓ ij. maceris ꝓ j. hellebori nigri, rad. Ireos Floretinæ, hermodactylorū añ ꝓ iij. sem. staphisagriæ ꝓ j. ꝑ. gummi pini & ammoniaci añ ꝓ j. ꝑ. malaxentur simul cum oleo de euphorbio, addēdo in fine terebinthinæ q. s. vt bene cohæreant omnia, fiat emplastrū per magdal. extēdatur portio super alutam, pro nodosis tumoribus aut doloribus diuturnis capitis à Lue, aut alia causā frigida circum pericranium collectis.

O L E -

OLEVM.

Rad. acori, galangæ, cal. aromatici añ ʒ iij.
nucis moschatae, garyophyll. cinnamomi, pi-
peris vtriუსq. pyrethri, maceris añ ʒ ʒ. fo-
liorum siccorum lauendulae, maioranae, ori-
gani, saluiae, pulegij, mente, roris marini añ p.
j. florum anthos, saluiae, lauendulae, añ p. ʒ.
olei communis lb j. vel amplius si voles. a-
quæ vitæ ʒ ix. reponantur omnia in phiala
vitrea, bulliant supra cineres calidos ad aquæ
consumptionem, deinde exprimatur oleū
in torculari ad vsum dictum in curatione.

Cū primum horum remediorum vfu
dolores aliquantum conquiescere cœperūt:
non modò lenta illa febris, quæ hectica pu-
tabatur, euauit; sed corpus cum carne sen-
sim ita vires recepit, vt in lecto sedere pos-
set. Æstuarium tum temporis parari iussi, in
quo tertio quoq. die semel intromitteretur,
ac illic sederet, quādiu vires facile ferre pos-
sent. sed prius decocti ʒ vj. exhauriebat, præ-
missa opiatae ʒ j. Deinde ad ignem totum
corpus oleo nostro calēte inungebatur mol-
li frictione. hoc enim si quid aliud infestas
hydrargyri qualitates venoso generi impres-
sas delet, & natium recreat calorem, om-
nium quæ in nobis sunt functionum aucto-

H 4 rem,

rem. In æstuario exiguius aliquis sudor statim eliciebatur: quem imbecillæ vires cum sustinere haud possent, aperto æstuarij ostio, ac lectum repetente laborante, statim sistere cogebamur. In hanc medendi rationem dum pertinaciter insisto: ita ægri iacentis vires paullatim recreari in dies visæ sunt, vt tandem circa quadragesimum diem certa nobis salutis spes affulgeret. Nam non modò dolores illi capitis inueterati resolutò humore extinctaq; caussa euanescebant; paulatimq; scirrhii omnes nodosi dissoluebantur: sed & quæ cruda & cinericia initio fuerant alui excrementa; bene figurata & rufa reddebantur: simulq; pro aquosis & tenuibus vrinis crassiores et flauiores effluerunt. ipseq; æger, qui duos annos fuerat peruigil; noctu aliquantum dormitabat. Hinc pulsus statim meliores euaserunt, & vox initio ita exilis vt vix obaudiretur, validior ac plenior edebatur. Sed & seruo & baculo innixus ad L X. curationis diē corpus erigere cœpit, ac tandem incedere. quo tēpore sudorē satis copiosum semel die per vires elicere licuit, nō in æstuario solūm, sed etiam in eius egressu in lecto, non quidem diebus continuis, sed tri-duū interquiescēdo; dū validior natura quotidie

tidie eorum eruptiones perferre posset. Iam
verò cum corpus initio osseum, carne iā sa-
tis vestitum videretur: sorbitiones & elixa
omnia circumcidimus, assis solis eum com-
mittentes, ne (quod in fine aliorum multo-
rum diuturnorum morborum nimio potu
aut humidorum ciborum usu fracto iecoris
robore contingit) in huius quoq. declinatio-
ne, tumor aliquis œdematosus in pedibus
ac tibiis irreperet. Huius enim rudimenta
vesperi iā in pedibus cernebantur; cum præ-
fertim aliquātisper stabat aut incedebat. Sed
& electuar. triumfantalorum quadruplica-
to Rheo parari curauimus, cuius tabellam
vnā manē bis in hebdomade ad iecoris ro-
bur potioni Guaiacinæ præmitteret. Cum-
que omnis doloris expers fuisset dies iam
quindecim, ac bene adeò omnia iam mem-
bra nutrirī viderētur, vt paulatim magis ac
magis omnes eius artus corroborarētur: die
tandem curationis LXX. Guaiaci decoctū
validius aliquot menses intermittendū, cen-
suimus; siquid interim non prorsus exstinctū
dolores tuberāve protulisset: nos id verē no-
uo tutius faciliusq. remediorum usu repeti-
to exstincturos, roborata nimirum quiete &
natura ferente. Verendum enim ne iisdem

H 5

reme-

remedijs natura diutius assuefacta, illorum vim tandem non sentiret, aut certè aspernaretur. Neq. verò hîc, vt in recenter contaminatis metuendum ne interim radices altiùs morbus agat, reddaturq. difficilior. Immo qui in tam calamitosum corporis statũ aut sua negligentia aut medicorum inscitia precipitati sunt, vix vñquam nisi in annum iterata curatione modò proposita restituuntur. Verum enimvero Guaiaci imbecillius decoctũ in ipso, etiam interuallo vini loco prudenter me consultore vsurpauit, ne vaporẽ quidem vini admittens. Mense exacto bellè adeò habere cœpit, vt consueta munia omnia obire posset. Idcirco & aëri die Februarij XI I. se committere cœpit & quoquouersum discurrere, nullis dolorum vestigijs, ne in iis quidem locis in quibus ante curationẽ tubera discruciabant, remanentibus. Tantũ capite & artubus grauis sibi videbatur, & veluti lassitudine quadã pressus, idq. præsertim cùm è sereno in nubilum aut pluuiosum cælum mutabatur. & post exercitationes œdemate quodam pedes vesperi dolebant, sed quod manè prorsus euanuerat.

Quamquam post exactos quatuor menses neq. dolor, neq. aliud extimescendum quid-

quidquam superuenerit, quod latentis fermenti suspicionem ullam mouere posset: visum est tamen curationem repetere feliciter antea usurpatam. vt si fortè lentus crassusq. humor aliquis, aliudve Luis fermentum circa perioſtea supererat, prorsus huius remedij continuatione attenuari, paulatimque in sudores resolui posset: simulq. malignitas siqua solidis partibus infixæ delitesceret, exstingui, atq. ita omnium tuberum dolorumq. causa exstirpari ac funditus euelli. Ingrediebatur porro semel in die æstuariū. inūgebatur quoq. oleo nostro: in quo æstuario, vt & ab eius egressu sudores in lecto excipiebat pro viribus. Vesperi verò hora quarta sorbebat quidem decoctum, sudores tamen minimè promouebat, nec lectum repetebat. In pastu utroque mediocriter assis omnibus alebatur ac biscocto pane utebatur, quem in hunc modum parari curabam.

℞ sem. card. benedicti mundati, pimpinellæ mundatæ, anisi & feniculi añ ʒ j. misceantur diligēter cū quātitate sufficiēti paste ex optima farina, seu ex qua fiunt panes ciuium Parisiensium fermento adiecto. Dein fiant panes bene cocti. qui vbi refrixerint, in tesseras secētur, ac saccharo in aqua rosa-

ta

ta soluto abluti in furno tepido diu siccētur, atq. ita ad vsum reseruentur. Istorum tandē remediorū vſu ſalubriter adeò viuit, vt nūquam laboraſſe videri poſſit. Quam Deus mentē omnibus indat, vt ita curari velint, antequā tā crudeliter fuerint excarnificati.

Quidam non ita pridem ad me venit, cui vlcus ingens à penis radice totū imum ventrē & inguina atrociter depaſcebat, vmbilicum etiam ſupergreſſum. quod neq. emplaſtris de Vigo cum ſuperaucto Mercurio, neq. vllis inunctionib. ſputationem & alui fluorē mouentibus coërceri potuerat, adeò interim extenuato corpore, vt quæ oſſa regerentur, nihil præter cutim ſupereſſet. Alius faucium malignum adeò vlcus & omnib. remediis ex hydrargyro rebelle gerebat, vt columella iam exefa radice decidieſſet, exderenturq. omnia tenella narium & palati oſſa. Vterque curatione ſupradicta xxiv. dieb. conualuit, nullius alterius medicamenti ope, niſi quòd exefa & vlcera ta particula aqua noſtra diuina bis aut ter quotidie ad-mouebatur.

OPIATA ANTIDOTVS ALEXIPHARMACA.

℞ ſcordij ʒ ꝯ. polij mōtani, pulegij, praſij

ſij albi, origani, calaminthi, hyperici, centaurij minoris, ſtœchados, chamędryos, chamępityos, ſpicę nardi añ 3 ij. ſeminũ anifi, fœniculi, petroſellini, dauci, ſilenis montani, ruta, ocymi, hormini, thlaſpi, baccarum lauri, ſem. pœonię maris añ 3 j. ꝑ. rad. ariſtolochię rot. gentianę, diptamni, Valerianę, aſari, añ 3 j. zinziberis, nuciſ moſchataę, caryophyll. piperis, croci añ 3 iiij. cinnamomi electi, myrrhę, caſtorei, ſtyracis calamitę añ 3 iiij. mellis boni q. ſ. fiat opiata.

A Q V A M I R I F I C A .

ꝛ ſcordij m. ij. calendulę, morſus, pimpinellę, hyperici, betonicę, maioranę, bugloſſę, ſcabiola, ſaluia añ m. j. hyſſopi, meliſſi añ m. j. ꝑ. contundantur & in vaſe terreo nouo ad ſolem exponantur, adiecta ea aquę quãtitate, qua omnia bene mergi poſſint, ita vt aqua ſuperet. Vbi ſex ſeptẽmve dieſ in ſole efferbuerint, exprimere vehemẽte & ea oportebit: deinde in remanẽte humore ſimiles herbas contuſas reponere, & rursus ſoli exponere vt ſuprà, dũ octo aut decem dieſ efferbuerint (ſed interim ſemel ſaltem quotidie iſta moueri debent baculo) ac tum exprimere. Deinde in manẽte liquore ſequẽtia miſcere. ꝛ rad. tunicę tormẽtillę, ſem. card.

126 DE LVE VENEREA.

card. benedicti añ 3 ℥. zedoariæ, nucis moschata, caryophyllorū añ 3 j. macis 3 ℥. sem. pimpinellæ 3 j. ℥. croci 3 j. Mithridatij opt. lb. j. theriacæ veteris 3 iij. commista soli exponantur ad 5. aut 6. dies aut amplius in alembico obturato. Deinde fiat omnium distillatio in vase duplici, & seruetur ad vsum.

AQVA DIVINA AD
VLCERA.

℞ sublimati optimi gr. x i i. aquæ plantaginis 3 v i. decoque super calidos cinerēs in phiala vitrea ad dimidias, & vtere.

F I N I S.


ARGVMENTVM LIBRI ET SINGVLORVM CAPITVM.

CAPVT I.	<i>Luis Venereæ definitio.</i>	pag. 13
II.	<i>Luis Venereæ origo.</i>	20
III.	<i>Luis caussa efficiens ex nonnullorum opi- nionē.</i>	23
IV.	<i>Vera Luis caussa efficiens.</i>	28
V.	<i>Luis species, signa & symptomata.</i>	34
VI.	<i>Curatio per hydrargyrum.</i>	42
VII.	<i>Hydrargyri vires.</i>	47
VIII.	<i>Quæ ante Luis curationē observanda.</i>	71
IX.	<i>Alia Luis curatio, sed minùs perfectâ.</i>	75
X.	<i>Guaiaci inuentio, nomē, & descriptio.</i>	77
XI.	<i>Guaiaci vires.</i>	81
XII.	<i>Guaiaci præparatio.</i>	84
XIII.	<i>Curatio per Guaiacum & ipsius Luis a- lexipharmacum.</i>	89
XIV.	<i>Luis aliis affectibus implicatæ curatio.</i>	102
XV.	<i>Curandi modus perfectissimus luculento exemplo expressus.</i>	III.

ERRATA.

Pag. 19.	Verf. 6.	opio, hydrophob.
36	1	Quarta his
36	23	ptomata sunt sp.
47	15	ne vstione quidem
65	15	tamen sudores
68	24	nia, quæcumque vel
69	6	Nam vt leth.
77	2	sine qua non commodè
81	10	& alit, ventremque
89	15	intra æstuarium
95	26	excr. manet ægri
113	19	nec cibi fast.
118	20	ammoniæ añ. ʒjβ.
121	24	id vere nouo
125	4	sileris montani,
125	7	dictamni,
126	3	pimpinellæ ʒjβ.

Si quæ alia occurrent, candidus Lector emendabit. in his, duo aut tria verba Italicis typis in cōtextu excusa, apographi vitio imputabit.



DE HYDRARGYRI VSV
ALIORVM ITEM DOCTO-
RVM VIRORVM SENTENTIÆ.

Victor Giselinus Martino Euerarto
S. D.



SCIO, Euerarte amicissime, in
hoc Libello esse multa & varia,
quæ multorum statim reprehen-
sionem incurrent. sed cum plera-
que illa eiusmodi sint, vt toties &
tam variè à plurimis disputata, etiam nunc inde-
finita sint, & non tam à sensu, quàm à ratione
& ingenio humano remota: quid vetat de eis-
dem maximi viri audire sententiam? etiam de
Hydrargyro loquor: de cuius usu iniquius fortas-
se & pertinacius quibusdam sensisse videri potest,
præsertim initio capitis XV. Verùm neque pri-
mus ita sensit, neque solus, neque adeò nulla ratio-
ne. Testes sunt vasti illi tomi duo, in quos omnes
de Lue Venerea conscripti nostro seculo commen-
tarij tamquam in vnum corpus varium sanè ac
difformis monstri simile coacti ac colligati sunt. E
quibus, quia non omnibus domi sunt, & in prom-
ptu: visum est pauca ad rem præsentem facientia

coronidis vice huc adicere, vnoq; verbo monere
omnes, quàm hac medicina pars, in qua imperiti
ac pleriq; Empirici negligētissimè atq; audacissimè
cū maxima mortaliū internecone versantur, do-
ctissimis viris censeatur periculosa plenum opus
alea. neque enim, ut liberè dicam, alibi vsquā ma-
gis est ὁ καιρὸς ὁξύς, ἢ δὲ πείρα σφαλερὴ, ἢ δὲ κρίσις
χαλεπή. Alphonsus igitur Ferrus, in *IV. libris*
quos ante annos *XL.* de huius morbi curatione
euulgavit, quo loco diligentissimè inquirat & col-
ligit quid veteres Græci, Latini, Arabes, &
Chymistæ, de Hydrargyri usu & natura posteris
testati sint, tandem eo labitur, ut suo exemplo
omnibus caueat illitu illius utendum esse, nisi ex
præscripto aphorismi *VII. lib. 1.* quomodo ad-
cauteria aliâque exquisitè extrema remedia inui-
to ægro sola cogente necessitate deuenimus. alio-
qui, inquit, fugias, mihi crede, quantum potes.
Montanus verò, sui seculi princeps medicus, idem
tractās argumentū, multo abiit diuersiùs, & haud
scio an pauloquàm noster Fernelius, etiam longius.
Multis enim argumentis, ingeniosis & doctis
Hydrargyri usum improbens & detestans, in
quibus sanè refellendis Leonardus Botallus Regis
Gallorum medicus primarius

Su-

Sudat multum dicendo & vix proficit
hilum:

Nec curat, inquit, [Hydrargyrus] à proprietate manifesta morbum Gallicum: nec ullam contra ipsum proprietatem occultam habet: imò est pessimum venenum, & exterminandum à toto usu medicinae. & licet ipsum videatur curare, non tamen curat: & decipiuntur nescientes discernere inter id quod est per accidens & id quod est per se. nam quia vident quòd exterius vel interius assumptum facit cessare dolores, & ulcera clauduntur, credunt ob id quòd cesset morbus, sed non cessat: at bene à partibus exterioribus & ignobilioribus ad interiores & nobiliores detruditur. procedente postea tempore redit cum sæuioribus accidentibus, &c. Beneuolè ille quidem & vero de rebus humanis benemerendi studio. sed an omnino verè, ex sequentibus iudicium fiet. Aequius eadem de re Auger. Ferrerius in suis Parthenopæis cap. VII. Adhibui ego, inquit, aliquando inunctiones sine argento viuo, in huius locum cortices cucumeris agrestis, & ellebori vtriusque, euphorbium & similia substituendo: ad penetrandum verò petroleum, aquam vitæ, oleum de terebinthina, oleum de lateribus, aliásque calidorum medicamentorum destillationes

I 3 quas

quas haberem in promptu. Nec intelligere potui
qua in re præstaret argentum viuum: cuius con-
tactu sæuissima symptomata relinquuntur; ut
plus interdū periculi immineat à remedio, quàm
à morbo. in ceteris nihil est, quod euidentem no-
xam inferre possit, cum tamen medelam præ-
stent longè faciliori negotio, quàm argentum vi-
uum. Sed quàm difficile sit, ab imbutis semel o-
pinionibus artifices diuellere, conquerimur om-
nes, non solum in his, verum etiam in plurimis
aliis, quæ neque experientia neque ratione nitun-
tur, &c. & mox: Non est argenti viui pene-
tratio & vis, quam impugnamus, sed pestilens
malignitas, morbo plerumque longè grauior, quam
vna cum curationis beneficio imprimit & relin-
quit. nam & neruos offendit, cerebrum mirum
in modum debilitat; &, quod pessimum est, cor-
pus subingrediens ossa perforat & medullas in-
uadit, atque in ipsis tam acerbos dolores excitat,
ut plerumque mors præferatur. Quod admonitio-
ne dignum visum est, non ad penitus interdicen-
dū eius vsum; sed ad reprimendam multorū teme-
ritatē & lasciuiā, qui in omni ætate, in omni se-
xu, in omni tēperatura & aëris qualitate illo nec
bene subactō nec correctō incōsideratissimè vtun-
tur. Sūt aliæ securiores & minus molestæ curandi
for-

formæ: quæ si aliquando propter morbi sympto-
matumque vehementiam parum efficaces viden-
tur; non repugnabo, quin tunc ad Mercurium
confugas. nam certum est, quosdam uno hoc re-
medio curari. Hæc ille. Eodem facit, quod in Præ-
lectionibus suis Bononiæ anno M. D. LXIII.
qui à defuncto Fernelio quintus est, habitis, testa-
tur Ant. Fracancianus vidisse se tempus, quo in-
unctiones ex Hydrargyro, quod nimis violentæ
essent & periculosa, etsi quandoque sanare vise
essent, non amplius in usu fuerint: quæ licet de-
inde altero tum superiore anno essent repetita in
morbis contumacibus & rebellibus; censet tamen
eas, etiam omnibus ritè observatis, periculo num-
quam carere, & si morbum non curent, relin-
quere incurabilem, ita ut comitetur agrum us-
que ad mortem. Quibus germana sunt, quæ sub
idem ferè tempus de eadem hac medendi forma
Patauï professus est Gabr. Falloppius philosophus
& chirurgus nemini, quoad vixit, secundus.
Et licet, inquit, oratio mea ita videatur favere
huic [Hydrargyro] eiꝯ tantum tribuere; tamen
non probo usum eius. superat quidem morbum.
sed si habemus regias rationes curandi, quæ ut
plurimum & certius sanant sine corporis incom-
modo; & si non sanant, leniunt sine noxa, non pro-

ritant affectum; cur utemur Hydrargyro, ex quo
non ita certa, non ita tuta succedit sanitas? si non
sanantur; proritatur, valentior fit lues, labefa-
ctantur viscera & partes solidæ corporis: & ali-
quando huiusmodi medicamentum remanet in
humano corpore. multi marasmo corripuntur
ob inunctionem: multis succedit dentium casus,
palati corruptio. His ossa capitis exesa manent, il-
lis os & facies intorta. si non sanat, protrudit
omnem colluviem ad caput. Ego reperi homines
inunctos per triennium antè, & venientibus
gummatibus in tibiis detecto osse vidi collectum
ibi argentum viuum. Hactenus Fallopius. At-
que hæc tantorum virorum testimonia idcirco ad-
duxi, ut liquido videant omnes, quæ de hac Luis
Venereæ curatione sensit Fernelius, caliberè &
ingenuè eum scribere potuisse. Sensit autem in
tali Hydrargyri usu nihil boni inesse, mali & pe-
riculi plurimum, id quod tum ex veterum & æ-
qualium suorum (qualia iam produxi) scriptis,
tum longa experientia didicisse se toto VII. capi-
te disertè fatetur. Quod verò vir prudens &
humane salutis natus alios vidit summo cum dis-
crimine experiri quotidie, si ex illius usu fru-
ctum aliquem omnino desperauerit, ideoq; sibi
nulla ratione experiendum statuerit; cur hoc ip-
sum

sum scripto prodere, suoque exemplo posterorum
rebus consulere non potuit? Vtinam ea religione,
fide, & prudentia fuissent olim, essentque etiam
hodie omnes, qui dum polygraphia rem medicam
ornare atque amplificare videri volunt, quàm
plurima & diuersissima nouis inducta coloribus
vndecumque malunt nullo delectu corradere, &
specioso nescio quo titulo vendere; quàm aut An-
tiquiorum rectè tradita recente ac proprio expe-
rimento confirmata in usum reuocare, aut à se
ingeniosè inuenta, longòque usu comprobata, in
omnium oculos & communem fructum cōferre.
Certè non tam abiecta passim ac despecta iaceret
ars omnium quibus vita humana continetur, lon-
gè nobilissima. Sed, missa in aliud tempus ea
querela, etsi nihil aliud, illud certè hac Mon-
tani & Fernely pertinax, ut videtur, sententia
nos monet, Hydrargyri inunctionem, cùm mul-
tis & grauibus periculis ferè subiecta sit, neque
vulgo neque passim recipiendam esse. Et profe-
cto ita res habet. Quamuis enim longè alia sit
quamplurimum eruditiss. hominum opinio & ra-
tio; multique in dies hoc vno remedio pristinae sa-
nitati restituantur: nemo tamen, modò vir pro-
bus & prudens sit, ibit infitias, Hydrargyrum
cùm sit naturæ humanæ tota substantia inimicum,

aut praesens venenum esse, aut anceps antidotum:
& , si eiusmodi curationum iustus census ha-
beat; longè plus incommodi & calamitatis in-
de in humanum genus redundasse, quàm com-
modi aut adiumenti umquam prouenerit. Quod
idem euenire videmus toti disciplinae Paracelsisti-
cae. Inuenisse illi & parare posse se iactant reme-
dia ad omnes morbos Graecis, Latinis, & Ara-
bibus cunctis prorsus incurabiles. Et esse, quibus
ea fides haberi possit, tu Euerarte vnus nosti op-
timè. Verùm cum illi omnes, nescio quo animo,
suam artem cum quàm paucissimis communicet,
neque minus habeant secretam, quàm Eleusiniæ
matris initia Sacerdotes: cumq; eorundem scri-
pta tantis verborum tenebris sint inobscurata, sæ-
pe de industria intricata, ut à Sphinge profecta
meritò videri possint: eò fit, ut de eorum inuen-
tis ac scriptis soli propemodum librarij sibi gratu-
lari possint, ægri verò in tanta copia perquam
pauci. Nam qui illa nullo duce ac prae monstrato-
re intelligere aut preparare umquam se posse spe-
rant; prius omnes fundos suos ac censum, ipsosq;
adeò sensus in fumum & cineres vertent, quàm
ad prima ipsorum elementa queant pertingere.
itaque veros Theophrasti discipulos vna in pro-
uincia vix vnum atque alterum inuenias: im-
pores

stores verò ac plani, Paracelsi nomen splendide
mentientes, quò venena sua ac nebulas suo magno
lucro, maximo miserorum discrimine impunè ac
promiscuè vendāt, vitæq; mortalium scelestissimè
illudant, nusquam hodie desunt. Neque nullum
sanè est quorundam bonorū iudicium, qui humano
generi conducibilius fuisse autumant, artē quan-
tumvis præclaram & salutarem, ut nunc tradita
est, inuentam nondum esse; quàm tot enigmati-
bus inuolutam paucis prodesse, & interea tam
multorum inscitie, malitie, fraudibus ac flagitiis
tamquam honestum ac liberale velum obtendi.
Eandem esse de Hydrargyro, ut vulgo utuntur,
doctissimorum virorum sententiam, verba ipso-
rum modo laudata, manifestè docent. neque me
quidquam diuersum tota peregrinatione mea ex
præceptoribus, aliisq; medicis primariis, quibus v-
bique familiarissimè usus sum, discere memini.
quinimo fuerunt, qui tanti veneni odio, in aduer-
saria sua complures exemplorum decades retule-
rint eorum qui aut temerario illius illitu misera-
biliter in ipsa medicatione extincti sunt, aut car-
nificis manum exeuntes in perpetuis doloribus mi-
serrimam mortem vixerunt. quibus decadibus si
quis alias porro atque alias volet attexere, non o-
pus erit quæsitis: vltro & numero in oculos incur-
rent.

rent. Huius verò peruulgati erroris seu temeritatis
potius tres potissimum causæ videtur mihi posse
statui.

Vna, quòd bona eorū pars qui hac Lue primū
laborare incipiūt, siue pudore siue egestate, siue tur-
pilucris cupida alyptarū persuasione inducti, tutio-
rem curationis viam auersantes, tam facillè tamq̃
breui in tempore persanari optant, quàm citò &
facillè suum sibi morbum accersuerunt. Altera,
quòd Medici plerique veris theorematibus imbuti,
& in Hippocratea methodo probè exercitati, me-
liora quæque ac certiora suadebunt potius ac ten-
tabūt, quàm ab acerbissimo & periculis suprà ca-
pite v. i. cōmemoratis pleno remedio auspicentur.
Tertia, quòd hæc difficillima therapeutices pars,
quæ in hoc morbo per affrictus ferè & suffitus
interdum procuratur, vt sua origine planè empi-
rica est à Iacobo quodam Carpensī primū inuen-
ta; ita quasi postliminio è Medicorum & melio-
rum Chirurgorum manibus magnam partem ex-
cussa, iterum ad meros empiricos rediit, tonsores
nempe, pharmacopœos, aniculas, aliosq̃ his ineptio-
res, vt quisque eandem inunctionum rationem in
se ipso sapius periclitatus est, & frustra ex-
pertus. quorum magna pars, vnā atque alterā
unguenti aut suffimenti formulā nacti, si ali-
quan-

quando tres quatuor validos etiamnum & pri-
mis tantum morbi initiis tentatos ergastulo suo
manumiserint, aut alteri recidivae servauerint;
quid reliquis fiat, quibus iam ima viscera Lues ob-
sedit, aut iis superatis in periosteum ipsa ossa gras-
satur, aut denique aliis difficillimis morbis com-
plicata est; illis, inquam, quid fiat, pensi prorsus ni-
hil habent. semper enim effugia sunt in promptu.
neque si maximè velint habere; etiam possint:
cum nulla scientia, ratione aut methodo, sed sola
confidentia nitantur. & qui sic sunt, quid quaeso
de morbi magnitudine, progressu, & symptomatis
aliter atque aliter se quotidie prodeuntibus iudica-
bunt? quid de acri temperamento & viribus si-
ue corporis totius, siue singularum partium? Aut
quomodo indicationibus inde sumptis unguenti
miscellam ac modum consentaneum accommoda-
bunt? quomodo ipsam frictionum rationem? cuius
in ordine partium unguendarum, mollitiei durtiei,
frequentia raritate, continuatione intermissione
tanta sunt momenta, ut hinc potissimum tam pe-
riculosa criseos pleraque prognostica & indicia
pendeant. quae omnia probis ac doctis istius conta-
gij artificibus etsi oculos & manus habeant usu
artis exercitatissimas, adeo tamen graviora censen-
tur, ut leuissima etiam sua ipsi peccata horreant
&

& extimescant. Nolo in exemplis hæere: neque
id nunc ago. Hereat igitur hic terminus, hanc per
Hydrargyrum curationem, quibus sua salus ac vi-
ta cordi est, vel numquam periclitandam esse, vel
non nisi doctis, probeq; in ea versatis auctoribus:
& qui discrimina ibi posita vulgo agrorum ob o-
culos ponunt, optimè de Rep. mereri. Qua de re
cum ante aliquot menses coram hîc Martine plu-
ribus tecum egerim, meamq; & tot bonorum viro-
rum sententiam, ut es hac etiam in parte censor
optimus, vehementer comprobaueris: non mirum
tibi videbitur, cur hæc collectanea, meamq; item
de eis disputatiunculam ad te mittere voluerim.
Vale, & quod promisisti nobis, fac representantes etiã
de filio, cuius spei & cōmodis fauebo dum viuam.
Brugis, x. Kal. Augusti, anno M. D. LXXIX.

et: neque
hanc per
vultu
esse, vel
Turban:
in o
de re
ne pla
vultu
centu
mum
gum
erim.
etia
manu.
XIX.

